


卷八十三

天

卷八十三



續文獻通考卷之八十三

皇明進士雲間王圻纂輯

節義考 義母 明經婦 義夫 義婦

義妾 義僕 義物

義母

周 魏芒慈母者魏孟陽氏之女芒邠之後妻也有三

子前妻之子五人皆不愛繼母繼母遇之加厚猶不

愛繼母乃令其三子不得與前妻子齊衣服飲食起

居進退前妻子猶不愛於是前妻中子犯魏王令當

死繼母憂戚悲哀帶圍減尺朝夕勤勞以救其罪人  
謂繼母曰人不愛母至甚也何為勤勞憂懼如此繼  
母曰如妾親子雖不愛妾猶救其禍而除其害獨於  
假子而不為何以異于凡母其父為其孤也而使妾  
為其母繼母如母為人母而不能愛其子可謂慈子  
親其親而偏其愛可為義子不慈且無義何以立于  
世彼雖不愛妾安可以忘義子安釐王聞之高其義  
曰繼母如此可不救其子子乃赦其子復其家

魯

義保孝公保母臧氏之寡妻也後號為義保初孝

公父武公與其長子括中子戲朝宣王王立戲為魯  
太子武公薨戲立是為懿公孝公時號公子稱最少  
義保與其子俱入宮養公子稱括之子伯與魯人作  
亂攻殺懿公而自立求公子稱於宮將殺之義保乃  
衣其子以稱之衣卧於稱之處伯御殺之義保遂稱  
逃免

魏

節乳母者魏公子乳母也秦攻魏破之殺魏王瑕誅  
諸公子而一公子不得令魏國曰得公子者賜金千  
鎰匿之者罪夷族乳母與公子俱逃魏之故臣見乳

母而識之曰乳母無恙乎乳母曰嗟乎吾奈公子何故臣曰今公子安在吾聞秦令得公子者賜金千鎰匿之者罪至夷族乳母僮言之可以得千金知而不言則昆弟無噍類乳母曰吁吾不知公子之處故臣曰吾聞公子與乳母俱逃母曰吾雖知之亦不可以言故臣曰今魏國已破亡族已滅子匿之尚誰爲乎母吁而言曰夫見利而反上者逆也畏死而棄義者亂也今持逆亂而以求利吾不爲也且夫凡爲人養子者務生之非爲殺之也豈可以利賞畏誅之故廢

正義而行逆節哉遂抱公子逃于深澤之中故臣以告秦軍軍追見爭射之乳母以身爲公子蔽矢着身者數十與公子俱死秦王聞之貴其守忠死義乃以卿禮葬之祠以太牢寵其兄爲五大夫賜金百鎰君子謂節乳母

齊 義母者齊二子之母也當宣王時有人鬪死于道者二子立其傍吏問之兄曰我殺之弟曰非兄也乃我殺之期年吏不能決乃言于王王曰今皆赦之是縱有罪也皆殺之是誅無辜也寡人度其母能知子

善惡試問其母聽其所欲言死乃召問其母母泣而對曰殺其少者曰少子人之所愛也今欲殺之何也母對曰少者妾之子也長者前妻之子也其母疾且死時屬之于妾曰善養視之妾曰諾今既許人以諾豈可忘人之托而不信其諾耶且殺兄活弟是以私愛廢公義也昔言忘信是棄死者也子雖痛獨謂行何泣下沾襟王美其義皆赦不殺而尊其母號曰義母

漢

二義者珠崖令之後妻及前妻之女也女名初年

十三珠崖多珠繼母連大珠為繫臂及令死當送喪歸法珠入關者死繼母棄其繫臂珠其子男年九歲好而取之置母鏡奩中皆莫之知遂奉喪歸至關關吏搜得珠十枚於繼母鏡奩中曰噫此犯法無可奈何誰當坐者初心恐母置鏡奩中乃曰初當坐先君不幸夫人解繫臂棄之初心惜之取而置夫人鏡奩中夫人不知也母意亦以初為實然憐之乃謂吏曰幸無劾兒兒誠不知也妾當坐初固曰實初取之繼母又曰兒但讓耳實妾取之因涕泣不能自禁女亦

續文獻通考  
曰夫人哀初之孤欲強活初身夫人實不知也因又  
哭泣涕下交頤關吏垂泣終日不能自決乃曰母子  
有義如此吾寧坐之不忍加文且又相讓安知孰是  
遂棄珠而遣之既去後乃知為男所取也

晉

陶侃母湛氏豫章新淦人初侃父聘為婦而陶氏貧賤  
湛氏每紡織資給之使交結勝已侃少為潯陽縣吏  
嘗監魚梁以一酣鮓遺母湛氏封鮓及書責侃曰爾  
為吏以官物遺我非惟不能益我乃增我憂矣鄱陽

孝廉范逵寓宿于侃時大雪湛氏乃徹所卧新薦自  
剉給其馬又密截髮賣與隣人供餼逵聞之嘆曰  
非此母不生此子

程文矩妻者同郡李法之姊也字穆姜有二男而前妻  
有四子文矩為安衆令喪於官四子以母非所生憎  
毀日積而穆姜慈愛撫字益隆衣食資供皆兼倍所  
生前妻長子興遇疾困篤母惻隱自然親調藥膳興  
疾久乃瘳呼三弟謂曰繼母慈仁出自天愛吾兄弟  
不識恩養禽獸其心雖母道益隆吾曹過惡亦已甚

續文獻通考  
矣遂將三弟詣南鄭獄陳母之德狀已之過乞就刑  
辟郡守表異其母蠲除之

隋 陸讓母馮氏上黨人性仁愛有母儀讓即其孽子  
也開皇末爲播州刺史贓貨狼籍爲司馬所奏案實  
將就刑馮氏蓬首垢面詣朝堂訴讓罪於是流涕鳴  
咽親持盃粥勸讓食既而上表求哀詞情甚巧上愍  
然爲之改容獻皇后甚奇其意致情於上治書侍御  
史柳彧進曰馮氏母至德有感行路如或戮之何以  
爲勸上於是集京城士庶於朱雀門遣舍人宣詔曰

馮氏以嫡母之德足爲世範慈愛之道義感神人特  
宜矜免用獎風俗讓可減死除名復下詔褒美之賜  
物五百段集命婦與馮相識以旌寵異

唐

王蘭英者獨孤師仁之母師仁父武都謀歸唐王世充  
殺之師仁始三歲免死禁錮蘭英請髡鉗得保養許  
之時喪亂餓死者籍籍游丐道路以食師仁後詐爲  
採薪竊師仁歸京師高祖嘉其義詔封蘭英永壽鄉  
君

李畬母者失其氏畬為監察御史得廩米量之三斛而  
贏問于史曰御史米不槩也又問車傭有幾曰御史  
不償也母怒勅歸餘米償其傭因切責畬畬乃劾倉  
官自言狀諸御史聞之有慙色

宋

余楚妻建陽人姓陳氏生子翼三歲楚卒陳氏盡以其  
產遺前妻二子翼年十五使游學四方在外十五年  
以進士歸王安石誌其墓

王氏利州路常平司幹辦公事劉當可之母也紹定五

年就養興元常以義免其子令事不避難後元兵屠  
興元王氏義不辱大罵投江而死其婦杜氏及婢僕  
五人咸及于難詔贈和義太夫人

元

姚里氏北邊千戶耶律留哥妻也留哥卒令善哥襲其  
父爵姚里拜且泣曰薛蘭者留哥前妻所出嫡子也  
善哥者婢子所出若立之是私已而蔑天倫婢子竊  
為不可太祖嘆其賢

柴氏襄陵秦閏夫繼妻也前妻遺一幼子未幾柴亦有



子閏夫死柴辛勤紡績遺二子就學至正末長子被  
累法當誅柴詣官泣訴曰吾次子往從惡非長子也  
次子亦自以為罪鞠之至死不易言官訊之得其情  
義柴之行遂釋其長子而次子亦得不死事聞旌表  
復其家

附明經婦

戰國 孟子母仇氏以經訓子婦嘗袒而在室孟子勃  
然不悅婦辭于姑曰妾聞夫婦之禮私室不與焉今  
妾竊情在室而夫子不悅是客妾也婦人之義蓋不

容處孟母乃呼孟子而命之曰禮云將上堂聲必揚  
將入戶視必下今汝掩人之失而以責人不亦難乎  
遂留婦如初

漢

伏生女義娥傳尚書于晁錯

崔篆母師氏通九經百家之言王莽寵以殊禮賜號義  
成夫人

曹大家扶風曹世叔妻班彪女名昭字惠姬博學高才  
世叔早亡有節行法度兄固著漢書其八表及天文

志未及竟而卒和帝詔就東觀踵成之數召入宮令  
后及諸貴人師事焉號曰大家有女誡七章

符秦 韋逞母宋氏家世以儒學稱宋氏幼喪母其父  
躬自養之及長授以周官音義謂之曰吾家世學周  
官傳業相繼今無男可傳汝可受之勿令絕世屬天  
下喪亂宋氏諷誦不輟教其子逞學成名立仕符堅  
為太常堅常幸太學問博士經典乃憫禮樂遺闕時  
博士盧壺對曰廢學既久書傳零落比年綴撰正經  
粗集惟周官禮注未有其師竊見大常常是母宋氏

陳氏魯國夫人

金 蘇嗣之母白氏許州人宋尚書蘇轍五世孫婦也  
年二十餘卽寡居服除外家迎歸元嫂議改醮白微  
聞之牽車徑歸曰我為蘇學士家婦又有子乃欲使  
我失身乎自是外家非有大故不往天興元年許州  
被兵嗣子為汴京廂官白曰兒子往京師老婦死無  
恨矣卽自縊于室側家人并其屋焚之

元

虞集母楊氏國子祭酒文仲女也文仲世以春秋名家

而族弟參知政事棟明于性理之學楊氏在室即盡  
通其說集與弟槃隨父汲趨領外干戈中無書籍可  
携楊氏口授論語孟子左氏傳歐蘇文聞輒成誦比  
還長沙就外傳始得刻本則已盡讀諸經通其大義  
矣

賈氏幼讀書通大義家貧而寡設教女館授書自給閨  
門肅然事聞旌之

陳櫟祖母吳氏休寧人櫟三歲吳氏口授孝經論語成  
誦義夫

世學家女傳其父業得周官音義自非此母無可以  
傳授後生于是就宋氏家立講堂置生員百二十人  
隔絳紗幔而受業號宋氏爲宣文君賜侍婢十人周  
官學復行於世

宋

歐陽修母鄭氏廬陵人年二十九而寡親教其子家貧  
無紙以荻作筆畫地爲書後修卒成大儒

蒲尚母氏南宮人知書里中號任五經自教其子尚  
中元豐間進士累官中大夫

蘇軾母程氏眉山人嘗夜讀漢史至范滂傳喟然而嘆  
軾時幼侍側謂母曰某若為滂夫人許之乎母曰汝  
能為滂吾獨不能為滂母哉

二程先生母向氏河南人明于經術親教其子嘗令學  
書署伯子曰殿撰叔子曰處士蓋預有以知其終矣  
遼 邢簡妻陳氏營州人父陞五代時累官司徒陳氏  
甫笄涉通經義凡覽詩賦輒能誦尤好吟咏時以女  
秀才目之年二十歸于簡孝舅姑閨門雍睦有六子  
陳氏親教以經後二子抱朴抱質皆以賢位宰相贈

漢

宋弘長安人光武姊湖陽公主新寡帝與共論群臣共  
主曰宋弘威容德器群臣莫及帝乃令主坐屏風後  
呼弘諭曰諺言貴易交富易妻人情乎弘對曰臣聞  
貧賤之交不可忘糟糠之妻不下堂帝顧主曰事不  
諧矣

楊喬桓帝時人竇武薦舉于朝儀容偉麗數言政事帝  
愛其才貌欲妻以公主喬固辭不聽遂不食而死

宋

馮京字當世江夏人鄉選廷對皆第一張堯佐倚外戚欲妻以女使掖入其家示以奩具豐盛無比京以曾娶竟力辭不受

周世南祁陽人少好學遊上庠已聘董氏女未婚而女失明女父請改婚世南父貽書問之世南曰人生配偶自有定分始全終廢天也既第成婚士論高之後官至駕部郎中以少卿致仕

鄭叔通初定夏氏女為婚及登第歸而女已啞矣其伯欲別擇配叔通堅不可曰此女吾若不娶終身無所

歸况以無恙而成婚因疾而遂棄豈人情哉

周恭叔幼議母黨之婚登科後其女雙瞽恭叔娶之篤愛過于常人伊川曰其未三十時亦做不得此事

劉廷式字得之濟州人未第時議娶鄉人之女既約未納幣廷式第女以病失明家貧甚不敢復言婚或勸納其幼女廷式笑曰吾心已許之笑豈可復吾初心哉卒娶之生數子後死廷式哀之踰年不肯復娶蘇軾問之曰哀生於愛愛生於色今君愛何從生哀何從出乎廷式曰吾知哀吾妻而已若緣色而生愛

緣愛而生哀色衰愛弛吾哀亦忘則此揚眉倚市目  
挑而心招者皆可妻也邪

呂黃汲縣人未第時聘里女及舉進士婦家言女故無  
疾今盲請改娶黃曰既聘而瞽汝不為欺卒娶之生  
五子大臨大防大鈞大志皆妻出俱登甲歿其一即  
丞相汲公

張漢英秦化人幼聘呂氏女及請期呂以女瞽辭漢英  
曰此命也遂娶之度宗時守樊城死節

王漢英字彥古奉化人登淳祐元年進士少聘徐氏女

女病鼻腐且貌醜其父母辭曰公盛年高科不患無  
良配不敢以辱公漢英曰女有疾非漢英誰適既婚  
相敬如賓後為國錄妻沒終身不蓄婢

金 郭丙進士海陵王南遷避亂居杞元兵渡河婦王  
氏被虜恐被辱投河死及亂定丙還鄉里感其義終  
身鰥居

皇明

李宗願靖安人幼穎異年十三以能詩聞陳友諒陷南  
昌妻夏氏自溺井宗願義之不再娶 國初擢國子

學正後拜御史累官禮部尚書表為義夫

陳鑑祥符人家貧孤立妻死不再娶躬執爨以養父

蔡汝賢字用卿號龍陽華亭人中年失偶不再娶不畜

媵婢登隆慶戊辰進士出入仕途二十餘年止以一

二老僕自隨里人稱為真義夫

### 義婦

魯 義姑齊攻魯却見一婦人抱姪棄子以避軍齊將

問其故婦曰棄子割私愛抱姪存公義齊將曰魯未

可伐也遂班師而還魯君知之賜束帛百端旌為義

### 姑

秦 嬴氏晉圍質於秦穆公以女懷嬴妻之六年圍將

逃歸謂嬴氏曰吾去國數年子父之接怠而秦晉之

交不加親也夫狐死首丘我其首晉而死子其與我

行乎嬴氏對曰子晉太子也辱於秦子之欲去不亦

宜乎雖然寡君使婢子侍執巾櫛以固子也今吾不

足以結子是吾不肖也從子而歸是棄君也言子之

謀是負妻之義也三者無一可行雖然子行矣吾不

敢泄言亦不敢從矣子圍遂逃歸

楚越姬者勾踐女也昭王與蔡姬越姬遊雲夢曰吾願與子生若此死亦若此蔡姬許之越姬不許曰妾聞婦人以死彰君之善不聞苟從其闇死為榮及昭王救陳病在軍中有赤雲夾日如飛鳥史謂可移于將相王不忍越姬曰大哉君王之德請先驅狐狸于地下卒死之而蔡姬不能死楚人立越姬之子

晉

齊姜齊桓公之宗女晉文公之夫人也文公初避驪姬難奔齊齊以姜妻之遇之甚善文公曰人生安樂而

已誰知其他子犯知文公之安齊也欲行而患之與從者謀于桑下桑妾在焉妾告姜氏姜殺之而言于公子曰從者將以子行聞者吾已除之矣公子必從不可以貳天未亡晉有晉國者非子而誰公子不聽姜與舅犯謀醉公子而載之以行公子復國以姜為夫人

趙姬晉文公女也初文公為公子與趙衰奔狄以狄女叔隗妻衰生盾及返國又以姬妻衰生原同屏括樓嬰姬請迎盾與其母既至姬請立盾為嫡子使三子



下之以叔隗為內子而已下之

梁節姑者梁婦人也因失火兄子與其子在內欲取  
兄子輒得其子獨不得兄子火盛不得復入婦人將  
自趨火人止之曰爾本欲取兄之子皇恐卒誤得爾  
子中心謂何何至自赴火婦人曰梁國豈可戶告人  
曉也被不義之名何面目以見兄弟國人哉吾欲投  
吾子為失母之恩吾勢不可以生遂赴火而死

漢

樂羊子妻不知何氏女羊子嘗拾遺金妻勸令還之後

遊學一年而歸妻跪問其故羊子曰久行懷思無他  
異也妻乃引刀斷機曰夫子積學當日知所無以就  
懿德若中道而歸何異于斷斯織乎羊子感其言七  
年不返遂成大儒其姑每攘鄰鷄為饌婦不食泣曰  
恨家貧不能自力使盤中有不義之物其姑遂止攘  
後因賊剽掠欲污之先劫其姑謂曰從我則釋汝姑  
不然則殺之婦即自刎盜亦釋其姑太守聞而以禮  
葬之號曰貞婦

犍為盛道妻同郡趙氏女字媛姜建安五年益部亂道

聚衆起兵事敗夫妻執繫當死媛姜夜中告道曰法  
有常刑必無生望君可速逃建立門戶妾自留獄代  
君塞父子翔時年五歲使道携持而走度道亡遠乃  
以實告吏應時見救道父子會赦得免道感其義終  
身不娶

京師節女者長安大昌里人妻也其夫有仇人欲報其  
夫而無道徑聞其妻之仁孝有義乃劫其妻之父使  
要其女為中詞父呼其女告之女計念不聽之則殺  
父不孝聽之則殺夫不義不孝不義皆不可以行于

世欲以身當之乃佯許諾曰旦日在樓上新沐東首  
卧則是矣妾請開戶牖待之乃告其夫使卧他所因  
自沐居樓上東首開戶牖而卧夜半仇家果至斷頭  
持去明而視之乃其妻之頭也仇人哀痛之以為有  
義遂不殺其夫

吳 孫翊妻徐氏翊為丹陽太守御下過嚴督兵媯覽  
刺殺之謀挾徐徐給以晦日設祭除服聽命覽許之  
徐潛遣使訴于翊舊將孫高傅嬰合謀斬之徐乃衰  
經奉覽首祭翊墓

晉

張茂妻陸氏茂為吳國內史與三子俱為沈充所害陸  
傾家業率茂部曲討充充敗詣闕上書為茂謝不克  
之罪詔曰茂夫妻忠誠舉門義烈宜追贈太僕

殷敬仲郎吏部時為酷吏所陷其妻顧率二女割耳為  
敬仲懇寃竟得減死

鄭表妻曹氏魯國薛人也表先娶孫氏早亡聘之為繼  
室事舅姑盡孝叔妹群姊咸得懽心乃表為司空子  
默等又顯列而曹氏愈挹損分俸給宗姻家無餘貲

孫氏瘞于黎陽及表薨議者以久喪難舉欲不合葬  
曹氏曰孫氏元配理當從葬不可使孤魂無依於是  
備吉凶尊從之儀迎之具衣衾几筵親執雁行之禮  
人謂趙姬下叔隗不足稱也

鄭休妻石氏不知何許人幼有德操既歸鄭氏為九族  
所重休前妻女既幼又休父布臨終有庶子沉生命  
棄之石氏曰奈何使舅之胤不存遂養沉及前妻女  
力不兼舉九年之中三不舉子

北魏 孫氏男玉者平原斛縣女子也夫為零陵縣人

所殺男玉追執仇人欲自殺之其弟止而不聽男玉曰女人出適以夫為天當親自復雪云何做人之手遂以杖歐殺之有司處死以聞獻文詔曰男玉重節輕身以義犯法緣情定罪理有可原其特恕之

隋 楊慶妻王氏世充女兄也慶本隋鄭王陷于世充故世充妻之用為管州刺史太宗攻洛陽慶謀與王歸唐王謝曰鄭以我奉箕帚者以結公之心也今負恩背義願送我歸東都慶不聽王謂左右曰唐勝則鄭滅鄭安則吾夫死若是生亦何益乃飲藥死

唐

畢某妻竇氏河南人初畢為朝邑令會同州軍亂令匿望仙里不知所舍乃仇家也夜半盜入猝令首欲殺之竇泣蔽捍持賊袂至中及不解令得脫走不死賊亦去京兆聞之賜酒帛醫藥幾死而愈

李端妻某氏端籍吳元濟軍元和中自然歸烏重胤妻為賊縛而鬻食之將死猶號端曰善事烏僕射觀者漢泣重胤請以其事付史官

韋雍妻蕭氏雍在張弘靖幕府以朱克融亂被劫暨臨

乃蕭子曰我苟生無益願今日死君前刑者斷其臂  
乃殺雍蕭意象晏然觀者哀嘆是夕死太和中贈蘭  
陵縣君雍字和叔擢進士第

衛方厚妻程氏太和中方厚為邕州錄事叅軍拓討使  
董昌齡知之使闔棺甚中方厚閉久以死攬棺成盡  
乃絕程徒行至闕下叩右銀臺門自刎陳寃下御史  
鞠治有實昌齡乃得罪詔封武昌縣君賜一子九品  
正員官

周迪妻某氏唐末楊行密圍揚州軍士殺人而烹其肉

迪饑將絕妻曰今欲歸不兩全君有老母不可並死  
願鬻妾以倘行資迪不忍妻固與詣屠肆得白金一  
錠使歸迪至門與守者金語之故不信共詣肆相驗  
其妻之首已在案矣迪褻餘體歸葬之

蔡高妻程氏仙遊人高為太康主簿卒于官時程年二  
十有四縣人哀其貧以錢百二十千為贖程氏泣曰  
吾家世廉吏不可以此污吾夫却不受既歸鄉里以  
冰雪自持終其身高襄之弟也

宋

王表妻趙氏韶州樂平人建炎中表監上高酒稅為金人縛其夫婦于劉氏門而入虜掠趙宛轉解縛并解表令速去俄而金人出問广安在趙他指以誤之金人追之不得怒趙欺已殺之表方伏叢薄間望之悲痛歸刻像以葬

丁國賓妻東安縣人建炎中盜祝友聚衆于滁之襲家城掠人為糧國賓及妻俱為所掠妻泣謂盜曰丁氏族流亡已盡願存夫以續丁祀盜殺之而存其夫章侯妻應氏永康人與其姒周處家親愛如同胞宣和間

方臘作亂應氏病足與十歲兒居不能避周亦歛歎不忍去應曰姒無病宜急避周曰死生同之何避焉既而賊入肆威迫休周扶應氏相與罵賊義不受辱兒亦泣謂賊曰寧殺我無殺二母怒并刃之

楊允妻柳氏海州人家富寡居二子皆幼時用兵燕雲厚賦緡錢一日柳氏語子曰國家用兵歛及下戶官司督其甚峻吾家私錢列屋鄉黨一罪于心安乎遂請于官以錢百萬充下戶之糧于是貧民免害官吏亦得逃責後子為太僕卿

王木叔妻何氏永嘉人遇夫之貧友至必極力營辦供奉遇貧士必因而濟之一日語夫曰子為官人當不餓死然無如子之季及子之群妹何我橐中尚有餘貲久蓄奚益夫嘆曰此吾素志旦日盡給散無遺木叔既登仕籍後語夫曰子改秩信不餓矣子季尚困塲屋何以能立先公有田若干畝盡悉畀之夫曰此尤吾志也遂與之

陳安節妻漢州洛佳縣王氏女歸同縣陳安節夫死堅守教子日新孫綢紱咸有聞嘗育夫之妹厚嫁之妹

財為夫所罄復為置產撫諸甥如已子宗親貧窶者收養嫁娶至百數有故家甘氏以貧質女酒家為出金贖之子孫遵其遺訓五世同居乾道九年旌表其

門閭

魯婦晏氏汀寧寧化人夫死不嫁紹定間寇破寧化晏依山為砦賊遣人索婦女金帛晏召田丁諭曰汝曹衣食我家汝念主母當各用命不勝即殺我因解首飾悉與之田丁感激思奮晏自提鼓使諸婢鳴金賊退敗鄉人挈家依者甚衆晏助不給者以家糧又析

續文獻通考  
若為五使相應援賊弗能攻凡存活老幼數萬人詔封恭人賜霞帔

元

程鵬舉在宋季被虜于興元張萬戶家為奴張以虜到宦家女某氏妻之既婚之三日即竊謂其夫曰觀君才貌非久在人後者何不為去計而甘心于此乎夫疑其試已也許于張張命箠之越三日復告曰君若去必可成大器否則終為人奴耳夫愈疑之又訴于張張命出之遂鬻于市人家妻臨行以所穿綉鞋一

易程一獲泣而曰期執此相見矣程感悟奔歸宋時年十七八以廕補入官迨元統一海內程為陝西行省叅知政事自與妻別三十餘年義其為人未嘗再娶至是遣人携向之鞋往興元訪求之市家云此婦到吾家執作甚勤夜寢未嘗解衣每紡績達旦毅然莫可犯吾妻異之視如己女將半載以所成布疋償元鬻鏹物乞身為尼吾妻施其口成其志見居城南某庵中所遣人即往尋之見以曝衣為由故遺鞋在地尼見之詢所從來曰吾主翁程叅政使尋其偶耳



尼出履示之合亟拜曰主母也尼曰鞋履復全吾願  
畢矣歸見程相公與夫人為道意竟不再出告以參  
政未娶終不出旋報程移文本省遣使檄興元路官  
為具禮委幙屬李克復防護車輿至陝重為夫婦  
胡烈婦渤海劉平妻也至元七年平當戍棗陽車載其  
家以行夜宿沙河旁有虎至銜平去胡覺起追及之  
持虎足顧呼車中兒取力殺虎虎死扶平還至季陽  
城求醫以傷卒縣官言狀命恤其母子仍旌異之  
方寧妻官勝娘建寧人寧耨田勝娘餉之見一虎方耨

其夫勝娘即棄饁奮捷連擊之虎舍去勝娘負夫至  
途中而死有司以聞為旌復其家

郝戴妻聶氏石州定胡人事舅姑盡孝戴篤學苦節而  
不仕姻族語聶使勸戴聶曰吾不德無以助君子矧  
敢強其所不欲以累其高哉

李伍妻張氏鄒平人夫死戍所孝養舅姑凡四刲股肉  
舅姑沒臨積水誓曰天若許妾取夫骨當得不死踰  
月竟不死鄉人異之乃相率贈以錢至福寧墓地不  
可識忽一童子言動如其夫指示骨所發得之張曰

信吾夫骨者入口當如冰雪粘如膠已而果然官義之使護喪歸葬官給以錢仍旌其門復其役

萬昱妻范氏杞縣人至正間昱奉親與兄弟避難母亡于道繼而父兄亦亡會丞相忝不華總戎昱從事左右奉命他所行且語范曰吾兄已亡惟餘一息苟不得已棄已子耳范許諾尋果兵變范如夫所云棄子存姪畧無一毫不平意亂後得一子人以為義感所致因名其子曰義

蘇氏真定人徙家京師夫武用安疾蘇氏到敗為粥以

進疾即愈生子德政四歲而寡夫兄利其貲欲逼嫁之不聽未幾夫兄舉家死惟餘二弱息蘇氏取育之淮陰義婦山陽大義鄉人李氏富商妻也有容色邑人同商者悅之因道殺其夫厚為棺殮持其喪以歸紹云溺死且盡歸其財伺其除喪講為婚姻且自陳有義于其夫婦亦感泣許嫁之生二子矣一日家有暴水水有浮漚夫輒顧而笑義婦問之未應固問之即以實告曰前夫之溺我所為也溺時有浮漚指謂可鳴吾寃今見之殊不爾故笑義婦默然即日伺便奔

告有司正其獄又自念以色累夫以身事仇二子仇人之子也即縛投之淮已亦自投焉

戴復古未遇時流寓江右武寧有富家翁愛其才以女妻之居二三年忽欲作歸計妻問其故告以曾娶妻白之父父怒妻宛曲解釋盡以奩具贈夫仍餞以詞云惜多才憐薄命無計可留汝揉碎牋忍寫斷腸句道傍楊柳依依千絲萬縷抵不住一分愁緒捉月盟言不是夢中語後廻君若重來不相忘處把杯酒澆奴墳土夫既別遂赴水死

莊居敬妻徐氏海州人元季夫為河南平章死于禦寇徐收殮竟復其仇率所部兵携幼子歸至正九年徐負喪居京師大臣上其事詔歸葬海州旌表其門

阿禧雲南梁王女段功妻也功有功于梁王王陽德之而心實忌之密召阿禧付之孔雀膽一具令毒之曰脫無平章猶有他平章不失富貴也阿禧潛然不受命乃私語功曰我父忌奴願與阿奴西歸出毒具示之功曰汝何造言至此終不聽明日梁王使人殺功阿禧悲傷作詩竟死焉

皇明

劉氏名翠哥房山人李仲義妻元末邑大饑官兵執仲義欲烹之食劉氏奔救不從乃曰吾聞婦人肥黑者味美願就烹以代夫兵遂釋其夫而烹劉氏聞者莫不哀之

乙氏武人于伯婦美姿容歲大侵伯不能生活以婦鬻娼家婦曰此豈人所為死不亦易耶誓不往絕食已旬日所着裳布齧盡竟卒

卷之九十五  
忠義列傳  
忠義列傳

周 主父妾者固大夫勝妾也大夫號主父自衛任周其妻通于隣人及主父歸妻置毒酒令妾進之妾念進之則殺主父不進而言之則殺主母乃佯僵仆而覆其酒主母以他過笞之幾死不言主父之弟知其實告于主父主父乃殺其妻而欲以妾為正室妾力辭不受主父厚資嫁之

衛 二順者衛宗室靈王之夫人及其傳妾也靈王死夫人無子而守寡傳妾有子傳妾事夫人八年不衰供養愈謹夫人謂傳妾曰孺子養吾甚謹子奉祀而

皇明

劉氏名翠哥房山人李仲義妻元末邑大饑官兵執仲義欲烹之食劉氏奔救不從乃曰吾聞婦人肥黑者味美願就烹以代夫兵遂釋其夫而烹劉氏聞者莫不哀之

乙氏武人于伯婦美姿容歲大侵伯不能生活以婦鬻娼家婦曰此豈人所為死不亦易耶誓不往絕食已旬日所着裳布齧盡竟卒

義妾

周 主父妾者周大夫勝妾也大夫號主父自衛任周其妻通于隣人及主父歸妻置毒酒令妾進之妾念進之則殺主父不進而言之則殺主母乃佯僵仆而覆其酒主母以他過笞之幾死不言主父之弟知其實告于主父主父乃殺其妻而欲以妾為正室妾力辭不受主父厚資嫁之

衛 二順者衛宗室靈王之夫人及其傳妾也靈王死夫人無子而守寡傳妾有子傳妾事夫人八年不衰供養愈謹夫人謂傳妾曰孺子養吾甚謹子奉祀而

續文獻通考  
卷之九

續文獻通考  
卷之九

妾事我我不堪也且吾聞主君之毋不妾事人今我  
無子於禮斥絀之人也而得留以盡其節是吾幸也  
今又煩孺子不改故節我甚內慙吾願出居外以時  
相見傳妾泣而對曰夫人欲使靈氏受不祥耶不幸  
早終是一不祥也夫人無子而婢妾有子是二不祥  
也夫人欲出居外使婢子居內是三不祥也妾聞忠  
臣事君無懈倦時孝子事親患無日也妾豈敢以少  
貴之故變妾之節哉供養固妾之職也夫人又何勤  
乎夫人曰無子之人而辱主君之毋雖子欲爾衆人

謂我不知禮也吾終願居外而已傳妾退而謂其子  
曰吾聞君子處順奉上下之儀修先君之禮此順道  
也今夫人難我將欲居外使吾居內此逆也處逆而  
生豈若守順而死哉遽欲自殺其子泣而守之不聽  
夫人懼遂許傳妾留焉

金 郭斌文奴者斌守會州城破同妻子自焚死女奴  
自火中抱兒出授人曰將軍盡忠忍死絕嗣此其兒  
也幸哀而收之言畢復投火死元將聞之惻然為保  
其孤

元

吳興二妾趙公碧瀾宋宗室也老而益貧二妾方少艾慮無以安其心因遣之去咸弗肯嫁數獻酒肴致殷勤公于卒也覆諸水曰慎毋再見昔吾割情忍愛以去爾爾弗我忘祇攪我心耳既而各與其父母俱至泣而曰妾家每歲請給足可養贍願執事終身為尼以報主恩公遂復留之他日公死果如所言公有寡女復資育之

朶那者杭城東偉兀氏之女奴也年十九主卒朶那奉

主婦日謹至正壬辰秋七月初十寇陷杭劫官民庫至偉兀氏家不得物乃反接主婦柱下拔刀礪頸上諸婢皆散走朶那獨以身覆主婦請代死且告曰將軍利吾財豈利殺人哉若免主母我當悉與將軍寇解縛朶那乃探金玉珠銀幣帛等散置堂上寇爭奪之竟又欲犯朶那朶那持刀欲自 寇驚異捨而去朶那泣拜主婦曰棄主貨全主命權也妾今命主鑰今失貨而全義非義也請從此死遂自殺時人莫不稱之曰義烈云

宋

春娘蘇子瞻婢也子瞻居黃州臨行蔣運使餞之公命春娘行酒蔣問春娘去否公曰欲還父母家蔣曰公行必須馬願以白馬易春娘可乎公諾之春娘歛衽前曰景公斬厖吏而晏子諫之夫子厖焚而不問馬皆貴人賤畜也學士以人換馬則貴畜賤人矣遂下堦觸槐而死

翠蓮綠雲皆趙淮妾淮為江東轉運與元兵戰死瓜州二妾俱年少元將欲納之妾紹之曰必焚骨乃可既

而同抱骨投急流中而死

皇明

真奴黃巖符松死妻鐘氏歸母家欲有他志真奴泣諫鍾怒捶之必逼以去真奴潛歸慟哭遂縊于松柩上春香劉昌妻歛人昌卒妾少艾昌父欲嫁之春香不從自縊昌妻洪氏亦絕穀十日死

章氏涇縣人童寬濟妻寬濟令萬載卒于官章年一十扶襯歸舟中坐卧不離棺側及抵涇遣人報嫡嫡至悉取宦囊付之束髮易衣伺舁棺起即自投河而死



高三京師娼女自幼美姿容昌平侯楊俊見之屬意因  
與之狎猶處子也昌平去備北邊者數載高閉門謝  
客天順中昌平為石亨所忌奏以正統十四年大  
駕臨土木昌平坐視不救為不忠 朝廷命斬於市  
親戚故吏無一往者獨高素服往哭親吮其血仍以  
絲連其首買棺斂之遂縊而死

陳氏牛氏高邑人為許顯妾顯拜監察御史病卒二妾  
皆經死事聞旌為雙節

義僕

漢 李善字次孫清陽人本同縣李元蒼頭元家俱疫  
死惟孤兒續始生數旬而貧財千萬諸奴婢欲殺續  
分其財產善潛負續逃亡隱山陽瑕丘界中親自哺  
養備嘗艱勤雖在孩抱奉之不異長君有事輒長跪  
請白行之閭里感其行皆相率修義及續長奉歸本  
縣修理舊業時鍾離意為瑕丘令上書薦之光武詔  
拜善及續並為舍人後補日南太守還過主墓解衣  
拔草泣拜而去

晉 祖逖有胡奴曰王安遣歸石勒逖弟約從蘇峻反

敗而奔趙勃以既滅劉曜當顯明順逆乃誅約夷其  
族安悵曰豈可使祖士雅無後乃竊逃庶子道重匿  
之及石氏亡復歸江南

元

符守信總管符翁僕也本姓即氏符翁愛其謹信字之  
若子符翁得痺疾家貧寢廢守信日夕營致微利以  
養凡二十年翁卒守信卜安陽西原葬之又事主母  
凡三年卒合葬治墳樹表

劉信甫揚州人郡富商曹氏奴曹瀕死以孤托之孤漸

長孤之叔利孤財妾訴于府曰某家貧產未曾分析  
今悉為姪所據郡守劉察其詐直之叔之子以父訟  
不勝慙且憤毒父死而復訴于府曰弟挾怨殺吾父  
適逢魯花赤馬火者受署之初與守不和竟欲置孤  
法并得以中守引致百餘人皆抑使誣服曰孤俾某  
等殺叔守受孤賄若干鞠信甫甫曰殺人者某也孤  
實不知守亦無賄既被鍛鍊無完膚終無兩辭初信  
甫先遣人密送孤過京師避一達宦家屬之曰慎毋  
出至是乃厚以金帛賄達魯花赤孤得無預而信甫

減死既而叩蹕陳告達魯花赤以罪罷去守復官此  
獄訟道里費蓋巨萬計孤歸悉算償信甫曰奴之富  
皆主翁之廕也今主有難奴救之內內事耳寧望報  
我力辭不受

趙一德龍興新建人至元十二年被俘至燕為鄭留守  
家奴歷事三世號忠幹至大元年一日拜其主鄭阿  
思蘭及其母澤國太夫人求歸省父母因伏地涕泣  
不能起阿思蘭母子感動許之期一歲而返一德至  
家父兄已沒惟母在年八十餘為卜地塋二柩畢欲

少留事母懼得罪如期還燕阿思蘭母子見其孝裂  
券縱為良一德將辭歸會阿思蘭以寃被誅詔簿錄  
其家群奴各亡去一德曰吾忍同路人耳為詣中書  
訴枉狀得昭雪還其所籍太夫人稱為疾風勁草因  
分美田廬遺之一德回辭不受曰得歸侍養老母主  
之恩已厚矣皇慶元年旌其門

楊不花文宗時除通政院判將行遇陝西諸軍見殺二  
僕亦見執曰吾主既為國死吾縱為人奴今苟得生  
他日何以見吾主于地下不若死從吾主欲起殺

仇仇要斬之

胡忠新金富人胡制機僕也制機初無子養張頤孫為子後自生子而死頤孫利其貲與弟珪謀殺之賂群縣吏獲免後頤孫為叅政忠訴主之寃于官乃誅頤孫及其弟珪其貲悉還胡氏時元貞四年也

楊兒潁川人淮南叅知政事趙璉之僕璉為張士誠所執罵賊而死楊兒以身蔽璉并殺之

皇明

范信崑山龔泰家奴泰家貧鬻信夫婦於蘇州夏雉瀆

某家數年不通正德初泰貧益甚無依遇信於途信泣拜于地懇延至新主家謂新主曰此信故主今流落在北心不忍欲望容留夫婦願早暮傭力報主兼圖供養故主新主而聽之信即背負小販往來村落市賣以給久而不衰

施慶浦江人鄭浞家僮浞喪哀泣不輟三年不御酒肉人稱為義僮

金鑄遼陽健兒事其長王世勳率眾禦虜被圍眾且盡鑄獨破圍出顧見世勳尚困圍中奮死入重圍與俱

出世勲馬為虜所奪即以已馬乘世勲身獨步戰援不至竟死馬

金祥武昌熊中丞公桴門卒也桴始守太倉以倭亂奉旨討賊自效祥十餘人從偶戰敗皆散獨祥不去公曰我死國分也爾何為乎祥曰公死國小人死公亦分也竟殿公後公過橋而寇已登橋祥慮公必不免奮死下橋肩而摧之橋壞寇墮水死者六人公得免已而屢捷進公郡丞討賊如故一日與儕輩酌於郊寺中祥忽大呼曰寇至矣蓋其全氣見也衆驚

騎從皆失忽有乘馬過者祥推墮其人以馬乘公而親執其銜馳躍如雲人馬足皆不在地及抵城祥嘔血數升他馳者迷道皆遇寇死祥識道故又得免一日與寇對壘寇悉銳攻我軍鋒少却公堅壁而祥又常翼公寇不得進已因奮擊得大捷又一日傳餐舟中公忍心動曰寇至矣祥佐公登小舟走未交睫而大舟為虜據矣祥又以識避地得免而他走者又多遇寇死公在海上大小三十餘戰斬首虜三千二百有奇祥未嘗不從屢經險得脫祥力居多事平以為

郡掾公素常無饒而未嘗不與共有無後以大中丞  
為國平三大難語及輒垂涕念之祥真義士而才力  
亦足相副較之任安馮驩失勢不去其難十倍未可  
以細小人忽之亦可覘公之善撫士卒能得人死力  
有古名將風矣

義物

孫供奉 唐昭宗時有猴號供奉能隨班起居朱溫篡  
位欲猴起居不從徑趨溫所奮擊溫殺之平陽林景  
熙謂李陵事虜馮道濫祿不若此物也

義蜂 楊遂菴名一清官閣老嘉靖初年致政歸林一  
日遊鎮江之北固山偶見群蜂擁蜂王出遊遇鷲鳥  
攫蜂王殺之群蜂守不去數日俱死之遂菴令其家  
伴瘞焉表其封曰義蜂塚親作文祭之夫忠義者人  
之良心縉紳罹君父之難而不卒所事者避害之私  
障之也然為士君子不早見決幾至于危迫而又甘  
心事仇豈其蜂之不若哉

金絲犬 沈處士恒吉吳郡人嘗蓄一金絲犬長不過  
尺甚馴處士日晏客犬必卧几下後三載處士病犬

即力食數日處士卒殮于正寢大盤旋而號竟夕方  
罷停柩者期年大日夜卧其側將葬遂一觸而斃物  
之義如此

白 大秦邦家畜也永樂初邦家饒裕一子尚幼好貨  
殖至四十將買舟貿易于京卜之不利妻許氏苦諫  
不聽邦家畜一白大數年相隨出入甚有靈性是日  
解纜大忽呼號躑躅躍入舟中啣邦衣裾若阻行者  
邦不悟遂挈之偕行舟次張家灣夜邦與舟人卧于  
蓬底有寇王甲王乙者率亮徒各執利刃登舟俱被

刺死于水惟白大從後艙躍出嚙乙右手幾殞王乙  
持刃逐大大赴水遁二賊悉擄舟貨埋邦屍于水滸  
而去大潛尾二賊到家默認其處晝則乞食夜伏水  
次守邦如是數日人皆異之未幾巡河御史呂希聖  
駐節見白大號呼岸傍狀如泣訴希望異之曰此處  
必有冤令吏卒從大足爬地處掘之果見邦屍大悲  
號屍傍不去希望曰此必故主被人謀害但不知亮  
身何在大能指其處乎大搖首遂行命吏卒隨之里  
許至一室二賊方與衆親會飲大徑入先啣王甲衣

裾次嚙王乙足獲吏卒執縛五賊至御史案前拷掠未服希望狐疑之際忽一人啼哭而至訴曰某乃秦邦僕也吾主貿易于此被二賊劫財殺主某亦被刺落水幸而不死此屍即吾主也二賊遂伏罪希望問成案牘奏聞處斬尋追賊給主邀適神之其僕扶昇主柩還鄉白犬亦遂到家晝夜踰伏柩側時或悲號見者墮淚許氏卜宅北安厝白犬隨柩至墳營墓甫畢犬忽顛狂觸樹而死許氏義之埋犬塚傍許氏一貞自守竭力教子遂成名儒家業益厚享年七十八而終亦受旌表

秦吉了 瀘南人所畜鳥也能作人言夷酋欲買以錢卜萬貫其人告以貧欲賣汝秦吉了曰我漢也不願入蠻夷遂不食而死

義猴 山西督學汪公可受黃梅人嘗令金華有丐者作猴戲乞錢遂飽所欲旁一丐者忌且羨之因醉丐者以酒誘至破窰內椎殺之繩其猴從已亦作戲乞錢而公呼導聲至猴即嚙繩斷脫走赴公前作訴冤狀公令人隨之至破窰內得屍又令人行捕得後丐



者藹問伏辜杖之死方焚前弓者死烈者焰始發猴  
又號鳴赴火抱屍共爲煨燼

蝌蚪 紹興郡丞張公佐治擢金華守去郡至一處見  
蝌蚪無數夾道鳴噪皆昂首若有訴公異之下輿步  
視而蝌蚪皆跳躑爲前導至田間三屍疊焉公有力  
手挈二屍起其下一屍微動湯灌之遂起問復活曰  
我商也道見二人有兩筐適市皆蝌蚪也意傷之購  
以放生二人復曰此皆淺水雖放人必復獲前有清  
淵乃放生地也我從之至此不虞谷出遂被害二僕

有腰纏求之不獲必解金與購而累累者見故誘至  
此并殺而奪金也丞命急捕之人金皆得以屬其守  
石公崑玉一誨皆吐實抵死腰纏歸商

義猪 萬曆初蘇之游墅關王序三家養一猪有年一  
日啣其主衣裙行異之隨其所往以嘴掘土出瘞金  
千兩家遂大饒自是德猪飼以香飯深以淨泉衣綿  
第擅一十年大可比牛遠近皆來借觀而稱其家金  
為猪金後死棺殮祭奠如人又里中江一家父亡而  
猪生尋夢父稱言此猪即汝父其子倍加愛養不忍殺

享至八年肥大不可行人競觀之丁酉始死

義貓 姑蘇齊門外陸墓一小民負官租空室出避家  
獨一貓催租者持去賣與閭門徽舖客頗愛玩之已  
及年餘忽小民過其地人叢嘈雜中貓躍入其懷為  
舖中人見奪之而去輒悲鳴顧視不已至夜小民卧  
舟中聞蓬間有聲視之貓也口啣一綾悅內有金五  
兩餘小民貧甚得金大喜適有賣魚者買以貓貓不  
已遂傷腹以死人謂是義貓或償前世債債完死耳  
義鴉 盱眙有商乘蹇驅蹇者隨其後見二鴉爭枝墜

地偶攫其一商曰是不足當一縷可縱之去吾以一  
縷資給汝可乎曰然商發畏而金見頗饒其人遂生  
盜心前途近夜僻寂推商墮地用鞭靴撞其喉死倒  
置之深窞中挈蹇去明發鴉噪邑令堂上如有所訴  
令遣健卒隨之往得穿屍取鞭以歸然莫知誰何鴉  
復尊至驅蹇者家其人甫歸金尚未發見鞭色阻吐  
實令以抵死而養鴉籠中每就讞諸大吏鴉皆從以  
鬻距示意焉

鐵嶺劉釗家所畜出入必從釗常以一馬負薪山

中大亦從至是獨歸向釗子國勲鳴躍不已勲異之  
隨其所往見釗為盜所殺棄屍石間取其馬去勲為  
營塋畢人皆罷歸大獨守塚不去日夜悲泣淚濕草  
土數日扶土及棺死其旁

獵犬 遼人錢良用家所畜每携之出獵所獲必多黔  
夜忽躍起啣良用衣引入至林薄間亦自伏無聲已  
而虜騎至惟良用以匿免蓋虜騎氣動而犬先覺也  
有蕭氏愛是大重貲購得之經年犬不為用復以逆  
良用良用貧貨廢不能償以語大令隨之去犬始為

蕭氏用仍多獲馬

黃牡 乃鐵嶺人陳甫家養馬也甫嗜酒嘗乘以出醉  
卧道上則馬為守禦人稍近輒蹄齧之如此者十數  
年如一日甫常後衆歸歸客入憂之衆客曰無傷甫  
有馬代僕也馬卒甫哭之慟

義駒 隨州村人養馬也有牝馬生一駒駒長使交其  
牝駒嘶鳴奔走百計強之不從養馬者知其識母遂  
赭牝馬之色冥諸暗室廼脅之交馬旦而洗其赭駒  
始覺輒悲鳴數日不食而死里中人聞且見者咸義

之聞之州守載州志中

高大 浙西某子甲與某子乙隣居甲擁官勢張甚貪  
 殘無已乙席父產稱饒甲常朶顧會甲失盜因誣乙  
 為窩主指其所有皆為已賊悉乾沒之而乙亦斃獄  
 中先是乙有高大類善鳴啞乙憐愛之自是常往家  
 家就食甲亦善畜之而夜則歸故宅垂首悲泣又復  
 作詬聲人無不異之者年餘甲有疾方卧牀大忽跳  
 躍上牀噬其頭斷其喉家人驚救加刃斷大首而其  
 齒切切猶有聲

續文獻通考卷之八十四

皇明進士雲開王圻纂輯

職官考

官制

官數

請告

官制

宋

理宗淳祐五年十二月杜範入相首論事其五欲惜名  
 器如文臣貼職武臣閣銜不當為徇私市恩之地  
 時許應龍奏進故事畧曰臣聞為官擇人則官雖簡  
 而常若有餘為人擇官則官雖繁而常若不足今日

之官其冗尤甚倅貳添差大藩方置今則或創於列  
郡議幕優閑絕無職掌今則或增為兩員諸司之屬  
添辟無已制領之官同正並置不釐務者或給以正  
官之俸創稟闕者多徇其親故之私至若軍功尤為  
濫泛不歷行陣以議事為名而推賞初無寸功乃倅  
冒得官而注闕乃若左選人仕自有成式不應陞等  
者妄冀陞等法當待劾者免求得劾試銓不中則增  
年而注授京削尚欠則減員而改秩自陳勞績未經  
覈實而濫叨遷秩牽合弊例巧於經營而苟獲循資

僥倖之門既開奔競之風滋熾求而不予恐拂人情  
執而不行必犯衆怨夫貪位慕祿誰無倅得之心毀  
法為通適啟無厭之請為政者斷之以至公律之以  
定法則宛轉營求者自然息念况州縣之吏勞於從  
事而廩給微薄無用之官反安坐而享厚祿此又所  
當察者伏讀開寶詔書有曰吏員冗多而求其治誠  
難也俸祿鮮薄而責以廉無能也與其員冗而費重  
不若省官而益俸州縣以戶口為率差差其員而舊  
俸之外悉與增給大哉王言今日所當取法也矧今

之楮幣折閱已甚以錄計之不及原俸三分之一何以養廉若閒曹冗局可併者併之添差創闕可省者省之冒濫得官者澄汰之板援妄求者杜絕之一遵公法不徇私情則當得者免需久次奸巧者莫敢攘奪尚何舊弊之難革哉邇者邊功皆伴從軍冒授功賞嚴行追究欺偽轉官者繳而不行妄求墮等者抑而不予固足以明示意向息絕倖倖矣尤願守之以堅行之以必為官擇人而不為人擇官則各稱其職事罔不舉冗濫之弊既除俸給之費可省惟陛下與

大臣亟圖之 應龍又上劄曰臣聞量能而授官此古者用人之要術也夫人之才不能皆全或純於道德或善於才幹優於理民者將畧未必長精於心計者法律未必審校短量長惟器是適則事無不舉後世用人不問德之宜否才之稱否既使之治兵又使之理財方使之理財又使之典獄禮樂之任付之若而人工技之司付之若而人以一人之身而責之以百官之所為備固有才稱其職得以究其所長者至於遷擢或又移之他職矣所職之事苟非其所素習

則不得不委之吏故吏得以容其奸然則為官擇人者其可無以處之乎昔司馬光屢言於祖宗之朝欲博選在位之士使德行者掌教化政術者為守長勇畧者為將帥明法者典法明禮者典禮此正量能授官之意在今日所當講明者而或者又曰雖量其能當久其任善於其職者增秩加賞而不徙其官苟數遷數易則心懷去就事復苟且是固然爾然好進者常情之所不免倘積歲不遷將有十年不調之嗟從事獨賢之嘆怠惰之心必生廢事之弊猶故是則久

任之說固未易以遽行也為今之策惟精於財計者必使之理財定其遷也復以精於財計者代之長於銓綜者必使之典銓定其遷也復以長於銓綜者代之至於典禮典兵莫不皆然雖不久其任而前後相繼者莫非其才之所長則何事之不舉何職之不稱哉

遼

國俗事簡職專官制朴實太祖神冊六年詔正班爵至太宗兼制中國乃分南面北面北面治宮帳部族屬

國之政南面治漢人州縣稅賦軍馬之事因俗而治得其宜矣初太祖分迭刺夷離董為南北二大王謂之南北院宰相樞密宣徽林牙下至郎君護衛皆分南北其實所治皆北面之事北樞密視兵部南樞密視吏部南北二王視戶部夷離董視刑部宣徽視工部敵麻烈都視禮部以南北府宰相總之楊隱治宗室林牙修文告于越坐而議論以象三公朝廷之上事簡職專此遼之所以興也

遼本契丹國自唐太宗置都督刺史武后加以王封

玄宗置經畧使始有唐官爵矣其後習聞河北藩鎮受唐官于于是太師太保司徒司空施于部族太祖因之太宗大同元年始置北院樞密使明年以高勳為南面樞密則樞密之設自太宗入汴始矣天祿四建政省事于是南面官僚可得而書其始漢人樞密院兼尚書吏兵刑有丞旨戶工有主事中書省兼禮部別有戶部使司以營州之地加幽薊之半用是適足矣中葉彌文耶律楊六為太傅知有三師矣忽古質為太尉知有三公矣韓古得為常侍衛涇為禮部



尚書知有門下尚書省矣庫部倉部虞部員外出使則知備卽官列宿之員室堽監修則知國史有院程翥舍人則知起居有汴邢抱朴承旨王言敷學士則知有翰林內制張幹政事舍人則知有中書外制大理司農有卿國子少府有監九卿列監見矣金吾千牛有大將十六列衛見矣太子上有師保下有府率東宮備官也節度觀察防禦團練刺史咸在方州同于唐制五京之制上京為皇都朝官京官皆有之四京隨宜設官為制不一大抵西京多邊防官南京中

京多財賦官而五京並置者寡

太祖四年七月以后兄蕭敵烈為北府宰相后族為相始此神冊六年以皇弟蘇為南府宰相自諸弟構亂南府名族各罹其禍故宰相位久虛以鋤得部轄里得只里古攝之府中數請擇任宗室上以舊制不可輒變請不已乃告於宗廟而後授之宗室為南府宰相始此 五月詔正班爵

太宗會同元年十月詔陞南北二院及乙室夷離董為王以主簿為令令為刺史刺史為節度使二部梯里

已為司徒達刺于為副使麻都不為縣令馬達刺于為馬步置宣徽閤門使控鶴客省御史大夫中丞侍御判官文班牙署諸宮院世燭馬群遠輦世燭南北府國舅帳郎君為敬史諸部宰相節度使帳為司空二室常園林為僕射鷹坊監治等局官長為詳穩時石敬瑭新獻十六州故也是年詔群臣及高年凡授大臣爵秩皆賜錦袍金帶白馬金飾鞞勒著于令世宗天祿八年奚和朔奴奏曰臣見太宗時奚六部二宰相二常袞誥命大常袞班在酋長左右副常袞總知酋長五房族屬二宰相匡輔酋長建明善事今宰相如故二常袞乞依舊制從之

聖宗統和二年三月劃離部請今後詳穩止從本部選授為宜上曰諸部官惟在得人豈得定以所部為限不允四年八月置先離闡覽官二員領于骨里女直迪烈等諸部之隸宮籍者 太平八年十二月詔兩國舅及南北王府乃國之貴族不得以賤庶任本部官

興宗重熙九年十二月詔諸犯法者不得為官諸職官

非婚祭不得沉酣廢事 時北大王府布俛帳郎君  
自言先世與國聯姻許置敬史詔以本帳蕭胡奴為  
之 十年二月北樞密院言北南二王府洎諸部節  
度侍衛祗候郎君皆出族帳既免與戍邊其祗候事  
情亦得以部曲代行詔從其請 二十年十一月命  
東宮留守司總領戶部省事罷中丞記錄職官各犯  
令丞旨總之 二十二年十一月詔諸職官以禮受  
代及罪去者置籍歲申樞密院十二月詔回紇部副  
使以契丹人充

道宗清寧二年正月詔二女古部世預宰相節度使之  
選者免皮室軍 三年十一月禁職官部內做貨買  
易

咸雍五年十一月詔四方館副使止以契丹人 充  
太康九年十一月定諸令史譯史遷叙等級 十年  
四月降國舅詳穩班位在敬穩之下 大安元年十  
一月詔外官因譽進秩民受其害後皆以資給遷轉  
二年六月詔高墩以下縣令錄事兄弟及子悉許叙  
用

金

金自景祖始建官屬統諸部以專征伐歲然自為一國其官長皆稱曰勃極烈故太祖以都勃極烈嗣位太宗以諸班勃極烈居守諸班尊大之稱也其次曰國論忽魯勃極烈國論言貴忽魯言總帥也又有國論勃極烈或左右置所謂國相也其次諸勃極烈之上則有國論乙室忽魯移賚阿買阿舍之號為升拜宗室功臣之序其部長曰孛堇統數部者曰忽魯凡此至熙宗定官制皆廢其後惟鎮撫邊民之官曰禿里

烏魯國之下有掃穩脫朵詳穩之下有摩忽習尼昆此則具于官志而不廢皆踵遼官名也漢官之制自平州人不樂為猛安謀克之官始置長吏以下天輔七年以左企弓行樞密院于廣寧尚踵遼南院之舊天會四年建尚書省遂有三省之制至熙宗頒新官制及換官格除拜內外官始定勳封食邑入銜而後其制定然大率皆循遼宋之舊海陵正隆元年罷中書門下省止置尚書省自省而下官司之別曰院曰臺曰府曰司曰寺曰監曰局曰署曰所各統

其屬以修其職職有定位員有常數紀綱明庶務舉  
是以終金之世守而不變焉

太宗天會二年二月詔諭南京官僚大小之事必關白  
軍帥毋得專達朝廷又命宗望凡南京留守及諸關  
員可選勲賢有人望者就位擬之具姓名官階以聞  
六年五月以官稱及俸給因草詔中外 十一年八  
月詔曰比以軍旅未定命帥府自擇人授官今並從  
朝廷選注

十四年七月汰兵興濫爵

時熙宗  
已即位

熙宗天眷三年八月初定公主郡主縣主及駙馬官品  
八年十一月左丞宗賢右丞崇等言州郡長吏當並  
用本國人上曰四海之內皆朕臣子若分別待之豈  
能致一謗不云乎疑人勿使使人勿疑自今本國及  
諸色人量才通用 皇統五年以古官曰牧曰長各  
有總名今庶官不分類為名于文移未便遂定名焉  
京府尹牧留守知州縣令詳穩程牧為長官 同知  
簽院副使少尹通判丞曰佐貳官 判官推官掌院  
書記主簿縣尉為幕職官 兵馬司及它司軍者曰

軍職官 警巡市令錄事司候諸叅軍知律勸事勸  
判為釐務官 管倉庫務院者曰監當官 知事凡  
日以下行文書者為吏 凡除拜尚書令左右丞相  
以下品不同者則帶守字左右丞則帶行守字 凡  
臺官御史部官景尹少尹守令簿丞尉錄事諸卿少  
至協律評事諫官國子監學官諸監丞丞郎符寶郎  
東宮詹事率府僕正副令丞王府官散官高于職事  
者帶行字職官高于散官一品者帶守字二品者帶  
試字品同者皆否 猛安謀克翰林待制修撰判推

勸事官都事典事知事內承奉押班通事舍人通進  
編修勾當頭舍部役廂官受給管勾巡河官直省直  
院長副諸檢法知法司正教授司獄司候東宮諭德  
贊善掌寶典儀以下王府文學記事叅軍並帶充字  
樞密宣徽勸農諸軍都指揮統軍轉運使招討提  
刑節度群牧防禦密省引進回方館閣門太醫教坊  
鷹坊 巡檢諸司局倉庫務使副皆帶充字及知  
某事凡帶知判簽書字者則不帶行守試字以上所  
帶字品同者則否自三師三公平章政事元帥以下

至監軍東宮三師三少點檢至振肅承旨學士王傳副統招及前所不載者皆不帶行字試知充字

海陵天德二年十二月命外官去所屬百里外者不許  
叅謁百里內者往返不得過三日 三年閏四月詔  
朝官稱疾不視事者尚書省令監察御史同太醫診  
視無實者坐之 正隆元年正月罷中書門下省平  
章政事張暉罷並罷平章政事三月如定職事官朝  
叅等格仍罷兵衛五月頒行正隆官制

世宗大定二年八月詔曰祖宗時有功勞未曾遷賞者

五品以上奏聞六品以下及無職事者尚書省量約  
陞除 四年勅隨朝六品以繁劇局分官有缺者省  
不得注擬令具闕及人以聞 六年制官至三品除  
授朝廷約量勞績歲月特恩遷官 七年九月詔吏  
人但犯贓罪雖會赦非特旨不叙 又制內外三品  
官遇擬注其歷過成考以上月日不會遷加或經革  
撥可于除日內備書以聞六品以下官命尚書省擬  
定而後奏 八年三月命以職官子補令史 十二  
年二月詔自今官長不法其僚佐不能糾正又不上

言者並坐又詔自今除名人子孫有在仕者並取奏  
 裁三月詔尚書省贓污之官已經廉問遣使即日罷  
 之 十六年勅宰臣選調注擬之際須引外路求仕  
 人至尚書省堂量才授職 十七年二月詔朝官嫁  
 娶給假三月不須回告 二十二年四月行監臨院  
 務官食直法 二十四年以舊資考太滯各減一任  
 臨時量人才辛苦資歷以次奏稟 二十五年十月  
 戒護衛年老出職臨民 命學士院諫官秘書監司  
 天臺者作局閣門通進拱衛直武器署等官凡直宮

中午前許退 二十八年三月命應赴部求仕人老  
 病昏昧者勸令致仕止給半俸更不遷官十月復戒  
 尚書除授勿拘資格 二十九年七月時景宗勅近  
 侍官授外任四品三品十一月制職官轉遞文字法  
 又定制自正七品而上皆以兩任後陞  
 章宗明昌元年三月制內外官并諸局承應人遇祖父  
 母父母忌日給假一日十月有司言登聞鼓院并起  
 居注院勿有所隸從之 三年十二月定到任告致  
 仕格



四年七月制三品以上官有故者若親賢勲舊尚書省即與聞奏議加追贈十一月詔諸職官以贓污不職被罪以廉能獲陞者令隨路京府州縣列其姓名揭之公署以示勸懲 又以前制有職官已帶三品者不許告遷有司因之不舉以致無由遷叙遂定制已帶三品散官實歷五十月從有司照勅格前進官一階格後為始再算 六年十月命隨朝五品之要職及外路三品官皆具人關進呈以聽制授 七年勅隨朝除授必欲至三十月如有急關則具關及人

奏稟尋復不須待考滿後當通算其所歷而已 承安二年正月勅職官犯贓罪不得訴于同官二月勅職官犯贓每削一格殿一年十一月初設講議所官十員共議錢穀 四年二月諭有司自三月二日為始每旬三品至五品官各一人轉對六品亦以次對臺諫勿與有應奏事與轉對官相見難面對者上章亦聽三月諭尚書省官員必須改除者議之其日月淺者毋數改易 時參知政事僕撒揆等請罷諸州提點刑獄從之 五年正月曲宴群臣定五品以上

文武官侍坐員為定制十一月初定品官過闕則下制以六品從五品闕少勅命歷三任正七品方陞六品 恭和元年正月初命文武官職俱至三品者許贈其祖七月諭刑部官凡上書人言及宰相者不得申省 二年二月初置內侍寄祿官三月初置宮苑司都同監各一員四月定遷三品官格十一月初命外官三品以上列任進謝表 三年五月汰隨朝冗官六月罷惠州高三州秀巖潯陽徽川咸寧恭安利民六縣及北京宮苑使諸群牧提舉居庸紫荆通會

三關使西北路鎮防十三千戶諸路醫學博士八月更定闕門祇候出職格十一月定及補承應人格 四年四月定隨路轉運使及府官每司報謝于太廟 七月勅宣徽院官天壽節凡致仕宰執悉召與宴十月初定百官休假

六年正月命左右司五日一轉奏事 八年十二月初設三司使掌判鹽鐵度支勸農事

衛紹王大安元年定文資本職出身內有至一品職事官應選一品散官者寔歷五十月方許進遷二品三

品職事官應告本品循遷者亦歷五十月不得過本品外四品以下職事官如遷三品者亦歷五十月止許告遷三品一資六品以下職事官歷六十月告遷帶至三品更不許告犯選格者皆不許如已至三品以上職事者六十月亦聽凡遷三品官資及致仕并橫遷三品者則具行止以聞四品則六十月告遷雜班則否

宣宗貞祐元年九月設京城鎮撫彈壓官置拓賢所三年二月尚書省以南遷後吏部秋冬置選南京春

夏置選中都赴調者不便請併選于南京從之四月罷行六部令各路運司兼之又減戶部幹辦官四員及差委官有差九月戶部侍郎與屯阿虎言國家多故職官徃徃不仕乞限以兩季違者勿復任用上嫌其太重違限者止奪三官降職三等仍永不陞注三年九月以空名宣勅付宣撫司凡夏人入寇有能臨陣立功者並聽遷授 興定元年正月東平行省言調兵以來吏卒因勞進爵多至五品例獲封贈及民年七十例該覃恩若人往自陳公私俱擾請令東

路為制誥勅類付朝廷以求印署使受命者量輸諸物而給之人力不勞兵食少濟從之是月議減庶官冗員二月詔定州縣官雖階至三品坐乏軍儲者聽行部決十月定職官不求仕及規避不赴任法二年三月御史以北兵退請汰各處行樞密院元帥冗官尚書以為非便而止四月詔河南路行總管府節鎮以上官充宣差捕盜使以防禦刺史以上長貳官及世襲襲猛安之才武者為之副九月設隨處行六部官以京府節鎮長官充尚書次侍郎郎中員外郎防

刺長官充侍郎次郎中員外郎主事勾當官聽所屬任使州府官並充勸農事防刺長官及京府節鎮同知以下充副使三年正月勅尚書省自今六部稟議常事但可再送不得趣召辯正餘應入法寺定斷而再送猶未當者具以聞下吏治之宰相執政以下皆不得召部寺官部寺官亦不得詣省犯者論違制二月詔陝西行省從七品以下聽注擬有罪許決罰丁憂待闋隨宜任使軍官徒以上罪及軍事急情者巡按御史治之四月詔河北州縣官止令土著推其

所愛者充六月詔付遼東等處行省金銀符及空名  
宣勅聽便宜處置七月置東西南三路行三司 四  
年五月立二品至三品立功遷賞格 五年五月詔  
州府及軍官捕盜慢職四品以下宣慰司決之三品  
以上奏裁十月尚書省奏行院帥府幕職雖無部衆  
亦常贊畫戎功而推賞止進一階聽主將保奏第功  
行賞從之 元光元年四月定監當官選法

哀宗正大元年設司農司自卿而下迭出巡察吏治臧  
否以望黜之 三年八月詔設益政院于內廷置說

書官日二人備直顧問 天興二年四月設蔡州四  
隅機察官

元

太祖起自朔土統有其衆部落野處非有城郭之制國  
俗淳厚非有庶事之繁惟以萬戶統軍旅以斷事官  
治刑政任用者不過一二親貴重臣耳及取中原太  
宗始立十路宣課司選儒臣 之舍人來歸者因其  
故官若行省若元帥則以行省元帥授之世祖即位  
大新制作遂命劉秉忠許衡酌古今之宜定內外之

官其總政務者曰中書省秉兵柄者曰樞密院司黜陟者曰御史臺其次在內者則有司有監有衛有府在外者則有行省有行臺有宣慰司有廉訪司其牧民者則曰路曰府曰州曰縣官有常職位有常員其長則蒙古人為之而漢人南人貳焉於是一代之制始備大德後僥倖之門開方正之途閑官冗於上吏肆於下言事者屢疏論列而朝廷訖莫正之勢固使之然也

按陶宗儀曰元朝故事正六品以下奉勅署牒以命之牒具中書官位最尊者令也署牒者自丞相以下而不敢以煩令惟皇太子立必帶中書令樞密使太子既受冊即中書上日獨署一牒明日省臣以其名聞天子即以宣拜超授五品官其人非素親近有譽望取信于群臣者不得也

元初輔相之臣與凡百執事惟上所命其各官皆因其事而命之方事征討重在軍旅之事故有萬戶千戶之目而治政刑則有斷事之官可謂簡要者矣既取中原定四方豪傑之來歸者或因其舊而命官若行

省領省大元帥副元帥之屬是也或以上旨命之或諸王大臣總兵政者承制以命之若郡縣兵民賦稅之事外諸侯亦得自選用蓋隨事創立未有定制世祖中統以來始採取故老諸儒之言考求前代之典立朝廷而建官府輔相者曰中書省本兵者曰樞密院主彈劾者曰御史臺以次建置內外百司庶府各因其事而舉矣其在內者廢置升降之不同因革政治之所係也若夫宗戚之重莫重于宗正府今宗正所隸特重于奸盜詐偽之刑稼穡之本莫重于司農

今勸樹藝者歲受其成自宣政總佛事而西域邊事之重係焉至於內廷東宮之官屬若國史翰林集賢之治文章宣徽之治玉食將作之治營繕如此之類皆以重臣領之蓋國家盛大庶事浩繁其職掌之事視古昔幾至倍蓰故其官府之陞至于重大而其屬亦已煩多日益月增其勢然也其後頗以官冗吏繁為言數有詔裁減而卒未遑及亦有不得已者夫外之郡縣其去朝廷遠者則鎮之以行中書省郡縣又遠于省若有邊檄之事者則制宣慰司以達之蓋鐵

之類又別置官有軍旅之事分布于外者則置萬戶  
有大征討則置樞密院無則廢舉刺之事則有行  
御史臺領監察御史肅政廉訪司以治之此其大凡  
也

元初任人惟其材能卒獲豪傑之用及得中原損益古  
今之制度而行之而用人之途不一親近莫若禁衛  
之臣所謂怯薛者然而任使有親疎職事有難易歷  
時有久近門第有貴賤材器有大小故其得官也或  
大而宰輔或小而冗散不齊也國人之備宿衛者其

屬則以內貴不以外官為達方天下未定軍旅方興  
介冑之士莫先焉故政取有功之士皆世有其軍而  
官之事在樞府不統於吏部惟簿書期會金穀營造  
之事供給應對習於刀筆者為適用於當時故自宰  
相百執事皆由此起而一時號稱人才者亦出於其  
間而政治係之矣擇吏之初頗由於儒而所謂儒者  
姑貴其名而存之爾其自學校為教官顯達者益鮮  
獨國學初以貴近就學而用之無常制其後歲有貢  
法而寢失初意矣其以文學見用於朝廷則時有尊



異者不皆然也至元以來數欲以科舉取進士議輒中止延祐初乃置進士科三年一取不及百人耳世祖皇帝置國字以通語言其用人畧如儒學之制而加達矣至於奉上官之任使奔走服役歲月既久亦皆得官雖細大有殊要皆為正途矣乃宗王之有分地官府而保任之者與夫置酒漿飲食者執樂伎者為弓矢衣甲車廬者治曆數陰陽醫藥者出納財賦者遠夷掌其部落者或身終其官或世守其業不得遷他官而有是幸遭遇驟至貴近者有之非有司所

得制而陳言獻策納粟捕盜與勲舊之後裔權要之引進者皆有其人焉而不常也凡入官之途大槩如此

世祖時朝廷錄平宋功遷至宰相執政者二十餘人因議更定官制太常少卿王磐奏疏曰歷代制度有官品有爵號有職位官爵所以示榮寵職位所以委事權臣下有功有勞隨其大小酬以官爵有才有能稱其所堪處以職位人君御下之術也臣以為有功者宜加遷散官或賜五品爵號如漢唐封侯之制可也

不宜任以職位 中統時朝議汰冗官權近私以按察司不便欲并省之王磐又上奏言各路州郡去京師遙遠貪官污吏侵害小民無所控告惟賴按察司為之申理若指為冗官一例罷去則小民冤死而無所訴矣若曰京師有御史臺糾察四方之事是大不然御史臺糾察朝廷百官京畿州縣尚有弗及况能周徧外路千百城之事乎若欲并入運司運司司以營利增課為職與管民官常分彼此豈暇顧細民之冤折哉由是按察司得不罷 至元二年并六部為

四以麥木丁為吏部尚書馬亨為戶部尚書嚴忠範為兵刑部尚書別魯丁為工部尚書又詔以蒙古人充達魯花赤漢人充總管回回人充同知永為定制 七年趙天麟上策請汰冗官其略曰臣聞設紀張綱莫如清簡建官置吏切戒煩多夫爵者官之尊也階者官之次也品者官之序也職者官之掌也位者官之居也祿者官之給也吏者官之佐也雖則事非位立而不辦亦有事因位多而益生此聖王所以貴寡而不貴多欲靜而不欲躁也漢光廢四百縣而

下民業定隋文廢五百郡而天下政行皆以官不用多而在于得賢政不在煩而貴乎省事也今國家立制自王及國王郡王公以下為爵自特進崇進至將軍大夫校尉即為階自正一至從九為品掌典當行為職各職所居為位各位養廉之資為祿各司贊佐行文之吏為吏其制亦已詳矣然而京師不急之司院無用之局署及隨朝臺省部院以下諸有司官吏可兼不兼可併不併亦已有之矣畿外行省隨省諸有司宣撫廉訪等司路府州縣倉庫局監等諸衙門

及合衙門官吏亦有冗者武臣萬戶所管不滿萬人千戶所管不滿千人之類亦有之臣竊以冗官之大弊有三一曰選法之弊二曰政事之弊三曰軍民之弊夫文武官吏員數既多當考滿之時迺春秋之選資格之簿擾攘紛紛保薦之文交錯旁午有司行文猶且未暇奚暇顧孰果有才孰果有德而考校之哉既不遑考校則取準於籍文薦書之所陳布者矣如此而欲雜流之人不進貨賄之門不開豈可得乎雜流行賄者得志則人皆可以任矣以致員多缺少無

如之何經營者早得遷除養高者坐淹歲月此選法之弊也夫文武官吏員數既多有當決之事而不決有當行之政而不行問其職則曰我非此職問其施為則曰僚屬非一豈我之所能獨主混齊竿而難辦受王命而自安及朝廷聞之遂立稽違期限之罰不亦晚與此政事之弊也夫文武官吏員數既多國家用人路廣浮濫亦升遂使臨蒞在下豈能敷政化哉政教不敷而刻剝之苦役使之煩為害良多此軍民之弊也三弊不絕而立法以防之立法者不能旁照

員益增而弊益多矣 法立而懼法之人姦欺之計愈生子故須三弊盡絕而後法乃可立也伏望陛下凡京師不<sub>レ</sub>之司院無用之局署及天下諸衙門可罷者罷之凡行省隨省諸有司宣慰廉訪等司路府州縣一切諸衙門及萬戶千戶所管不及數之類可併者併之凡省臺院部以下諸有司之官吏及天下諸衙門之官吏可減者減之然後以慎名器之法擇人而用之又以考幽明之法順理而致之則典選者易見其人易程其效而選法清矣臨政者事有所歸

職有所主而政績成矣在下者省于煩役免于苛刻而民業定矣夫民者天下之本也民業既定而天下自太平矣十五年詔汰江南冗官江南原設淮東湖南隆興福建四省以隆興併入福建其宣慰司十一道除額設員數外餘並罷去仍削去各官舊帶相銜罷茶運司及營田司以其事隸本道宣慰司罷漕運司以其事隸行中書省各路總管府依驗戶數多少以上中下三等設官故宋官應入仕者付吏部銓用二十三年七月清冗職詔曰惟我祖宗肇造區

夏雖中書已嘗建立而官制未暇舉行廷予圖大以宅中思欲繼志而述事集儒臣之公議法前代之彛章爰立省部院臺以正朝廷紀綱自疆土極照臨之遠而省畫有內外之分日益月增官冗人濫嘗勅有司而澄汰意能舊制之傳承比聞近侍之言謂益曩時之弊彼不勝重任有壅上聞苟尚蹈匪彛時惟予咎其清冗職用復前規於戲官不必備惟其人朕恪守已成之憲爾尚克勤於乃事尚永肩圖報之心由是銓定省院臺部官屬中書省令外左右丞相並一

員平章二員左右丞並一員叅政僉省並二員樞密院除院使外知院一員副使僉院並二員院判二員御史臺太夫一員中丞侍御史治書並二員行臺同六部尚書侍郎郎中員外郎並二員其餘衙門並委都省斟酌裁減仍詔諭中外

胡粹中曰元之官名最為不正中書政本既有中書令矣復立左右丞相則丞相特中書令之佐職耳既以令為虛設左右丞為正宰相而復設平章政事則又以平章為宰相貳矣然平章政事非宰相而何名之不正莫此為甚至其末流丞相而遙授焉則冗濫極矣又况員數之多乎

二十四年麥木丁言制國用使司改尚書省頗有成效今仍分兩省為便從之各設官六員尚書有平章政事二員左右丞二員叅知政事二員中書宜設丞相二員平章政事二員叅知政事二員省隴右河西道提刑按察司分置鞏昌者并入甘州設官五員以鞏昌改隸京兆提刑按察司設官六員省太原提刑按察司分置西京者入太原遂以復置尚書省詔天

續文獻通考  
下除行省與中書議行餘並聽尚書省從便以聞  
三十年汰冗官凡省內外官府共二百五十五所官  
六百六十九員

成宗元貞元年詔選官專令中書擬奏省臣言樞密院  
御史臺例應舉奏官屬其餘諸司不宜奏請今皆請  
之非便詔自今以後專令中書擬奏 時改皇太后  
所居舊太子府為隆福宮詹事院為徽政院司議曰  
中議府正曰宮正家令曰內宰典醫署曰掌醫典寶  
曰掌謁典儀曰掌儀典膳曰掌膳仍增控鶴至三百

人大德元年四月省臺議上風憲事宜省臺臣僚奏  
阿老瓦丁及崔彥陳臺憲事宜臣等議乞依舊御史  
臺不立選具用人則于常調官選之惟監察御史及  
本臺首領官許自舉用各道廉訪司必擇蒙古人為  
使或缺則以色目臣臣子孫為之其次叅用色目漢  
人各省文案聽行臺委官檢覈有宿衛近侍奉特旨  
令憲臺擢用者必須明奏然後任之行臺御史秩滿  
而有效者或遷內臺或呈中書省遷調廉訪司亦如  
之不稱者省臺擇人代之未歷有司者授任牧民經

省臺同選者聽臺自調中書或用臺察之人亦宜與臺臣同議各官有司風憲官毋得輒入體察制曰可按陶宗儀云內監察御史署御無御史臺三字以為天子耳目之官非御史大夫以下所可制也行臺則不然六年定赴任程限凡赴任官在家束裝假限二千里內三十日三千里內四十日遠不過五十日馬日行七十里車日行四十里乘驛者日兩驛百里以上止一驛舟行上水日八十里下水百二十里職當急赴者不拘此例違限百日外依例作缺赴任叅

官法上司百里之內者公叅百里之外者申任任月日上司官不得非理勾擾失誤公事七年省臣言內外官員年至七十者精力衰耗例應致仕三品以下於應授品級加散官一品令致仕

世祖至元初立封贈之制惟一二勲舊之家以特恩見褒雖畧有成法未悉行之又制考課雖以五事責辦管民官為無激勸之方徒示虛文竟無實效自今每歲終考課管民官五事備其內外諸司官職任內各有成效者為中考第一考對官品加妻封號第二考



續文獻通考  
令子弟承廕叙任第三考封贈祖父母父母品格不及封贈者量遷官職其有政績殊異者不次陞擢仰中書叅酌舊制出給誥命

按陶宗儀云大德七年詔內外官年及七十並聽致仕時郭守敬知太史院事以舊臣且熟朝廷所施為獨不許其請翰林太史司天官不致仕者自郭守敬始

二月奏使宣撫奏罷贓污官吏比七道罷官吏一萬八千四百七十三人  
十一年七月時武宗已即位省臺奏

銓選非法省臣言內降旨與官者八百八十餘人已除三百未除者猶五百請自今越奏者勿與上曰然又言外任官帶相御非宜而臺臣亦言省院臺得自選官具有成憲今監察御史廉訪司官非本臺公選而從諸臣所請降內旨用之非祖宗成憲上曰若此者卿等皆當執而勿與  
時以教坊司達魯花赤沙的遙授平章政事仍領玉宸樂院事未幾樂工有犯法者刑部逮之沙的以玉宸與刑部秩皆三品皆蒙祿大夫留不遣中書以聞帝曰凡諸司視其資級授

之散官不可越起其閒冗職名官高者宜遵舊制降之

武宗至大元年七月勅行省宣慰等官非宣石毋得赴闕以多來結托故禁之 二年中書省臣言世祖時省院臺及諸司皆有定員適者諸司遞陞一級四品者三品三品者二品二品者一品一司甚至二三十員事不改舊而官日增請依大德十年已定員數冗濫者悉加減汰從之 三年正月減省中書官吏自客省司而下三百八十一員又增減省院臺官員令

中書省官吏如安童居中書時例存設其已汰者尚書省遷叙減樞密院官存知樞密院事二員同僉樞密院事一員增御史臺官二員御史大夫御史中丞侍御史治書侍御史各二員省通政院官六員存十二員二月尚書省臣言官階差等已有定制近奉聖旨懿旨令旨要素官階者率多躐等願依世祖皇帝舊制次第給之制可九月勅諸司濫設者毋給月俸詔諭三寶奴等去歲中書省奏諸司官員遵大德十年舊制濫者汰之今聞冗員如故有不以聞而徑之

任者有旨不奏而擅令之任及之任者並捕逮之朕  
不輕釋

時馬祖常建白數事一言中書省樞密院御史臺三  
府掾史雖職掌文書亦日佐文臣決理政務伏請聞  
奏設立律學算學博士命隨朝二品三品正流衙門  
吏人欲求轉補三府掾史者就其所業於律學算學  
博士之前應試依科舉例監察御史監試吏禮部官  
知舉每一周歲試舉一次則三府有得人之實下無  
躁進營求之私試中之人不必限以出身之高下不

中者發下本役考滿不得過從七品仍預照會施行  
一言諸道宣慰司除吐蕃南詔兩廣福建外如淮東  
淮西荆南山東四道並為無用徒月費俸廩坐養官  
吏而已如依準前代制就令一道重鎮路分總管達  
魯花赤帶受本道宣慰使等職名鈐轄路上不煩朝  
廷虛設職官人吏下使數路官府牽制煩複無益於  
事一言諸翼軍官自萬戶下至百戶子弟承襲父兄  
之職者合叅酌古今之宜設立武舉並須習學兵法  
武藝如蒙古色目人只試以武藝如願試兵法中者

陞階漢人兼試兵法武藝中式者方許承襲如布衣之士願試及中者於各翼或不叙或戶絕等歇空相應名闕內擢用如此庶使武備不弛軍政稍嚴保大定功之事為體不輕必若今日難于更張則四方宣力老将既已病死承襲驕脆子弟但知酒色裘馬為華好一旦直欲冒矢石執干戈以犯勦敵不惟本人自取肝腦塗地從軍將吏死復何辜卑職歷觀前古之迹其禍患弊病未有不生于太平之世竊慮及此伏乞施行

英宗至治二年九月勅百司凡授官遵世祖制惟樞密院御史臺宣政院宣徽院得自奏聞餘悉由中書

恭定帝恭定元年三月監察御史宋本李嘉賓傳起巖言太尉司徒司空三公之職濫假僧人及會福殊祥二院並辱名爵請罷之不報

文宗天曆元年九月時帝為懷王宣諭中外曰昔在世祖以及列聖咸命中書省網維百司總裁庶務凡錢穀銓選刑罪興造罔不司之自今除樞密院御史臺其餘諸司及左右近侍敢有隔越中書奏請政務者

以違制論監察御史其糾言之至順二年十二月河北河南道廉訪使僧家奴言自古諸職官父母在三百里外三年聽一給定省假二十日無父母者五年聽一給拜墓假十日以此推之父母在三百里至萬里宜計遠近定立假限其應省親匿而不省親者坐以罪若詐冒假期與詐奔喪者同科臺臣以聞命議之

皇明

太祖初下建康立中書省 上以中書省右丞相總省

事李善長宋思顏為叅議李夢祥郭景祥為左右侍郎中候原善楊原杲陶安阮弘道為員外郎孔克仁陳養吾王愷為都事王疇為照磨樂鳳為管勾夏煜韓子魯為博士善長進叅政徐達為右丞邵榮俞通海為平章政事 上即吳王位善長為右相國改左徐達為左相國改右常遇春為平章張昺楊憲為叅政 上即大位善長為左丞相達為右丞相遇春為平章軍國重事湯和廖永忠李伯昇李思齊王溥為平章不治事汪廣洋自叅政為右丞謫楊憲為右丞

遷左丞誅汪廣洋再為右丞相謫胡惟庸由叅政為左丞進右丞相遷左相相廣洋復為右丞相汰平政叅政等官十三年惟庸族廣洋賜死罷中書省散其職六部置四輔官告太廟以耆儒王本杜祐龔數趙民望吳源為夏官勅之曰昔之耕莘者為宰社稷永安築巖者在朝君仁民康二臣繼出干殷商致君六百年之大業是賢者雖處同出異其忠君濟民之道則一朕今石爾等來朝命為四輔官兼太子賓客位列公侯都督之次必欲德合天人均調

四時以臻至治其敬慎之居三日復勅謂人主以一身統御天下不可無輔臣而輔臣必擇乎正士堯舜以得賢而昌享受以棄賢而亡卿等受斯重任宜體朕懷心常履道佐理贊化以安生民且卿等昨為庶民今輔朕以掌民命出類拔萃顯揚先親天人交慶於戲盛哉又十日勅本等曰自胡惟庸不法之後特召天下賢才而有司又從泛舉尚書范敏獨能薦卿等以輔朕朕視卿等皆高年篤厚故九月告於太廟議立四輔以王本杜祐龔數為春官杜毅

趙民望吳源為夏官惟秋冬官缺以本等攝之適年  
自春徂秋天災疊見維秋之暮天氣尚暄嘗諭本  
等沐浴致齋精勤國務以均調四時本等奉命且誠  
逮立冬朔風釀寒以成冬令嗚呼天其兆吉人乎感  
應之機如響斯答古者三公四輔論道經邦理陰陽  
順四時其或有乖戾則曰公輔失職蓋人事有不齊  
則天應之有如此者卿等尚當竭忠誠以勤厥職庶  
幾感格天心御集中又有與本等同游唱和詩多  
不載 明年 命刑官議獄送四輔及諫院給事中

覆覈無碍奏行之有疑讞四輔官封駁之尋 召左  
御史中丞安然為四輔官龔敷致仕復起為國子監  
司業尋以星變 勅諭王本等本尋坐法磔於市又  
明年罷不復設 置太宗正院改為宗人府置宗人  
府令左右宗人正左右宗人以 秦晉燕周齊五王  
為之俱正一品後本府以駙馬都尉領之 置 皇  
太子左右率府都督同知康茂才張興祖兼左右率  
府使顧時孫興祖同知 王府事僉事吳禎耿炳文  
兼左右副使 置諫議大夫以唐鐸為之 置諫院

左右司諫以耆儒劉琦關賢為左右正言以耆儒趙肅何顯周為之置執法議理司以前元工部尚書廉為之乃李韓公之女弟壻也置審刑司左右審刑正六品左右詳議正七品凡大理寺平允法司囚犯皆得詳馭之置考功承勅司文三監每監設令一人正六品丞二人從六品監察御史馬亮張迥等五十六人為之命中書省兵部定給武官誥勅之制其特授陞除者大都督府同承勅監官以上旨附籍其初入仕者具年籍父祖已身功績其已

入仕及陞除者具所歷功過年籍大都督府咨于中書省兵部覆奏貼黃考功監叅攷同奏附籍部擬散官移文翰林院撰文付司文監校勘奏付中書舍人書寫署名用印轉付承勅考功二監并還本部以次署名用印齎赴省府臺官署名仍付司文監對同署名用印方付各部給授如襲職降用者大都督府勘驗具年籍祖父功績降用者具其罪名奏旨處分承勅監官附籍具咨省送部覆奏貼黃叅攷對同擬官撰文署名用印給授如前置平馭諸司命



翰林院編檢以下春坊司直以下贊讀考厥諸司奏  
啟如平允則署其御曰翰林院兼平駁諸事其官某  
押 置磨勘司令以 太子伴讀高暉為之 置內  
正司司正一員正七品司副一員從七品專糾內臣  
之失儀者尋改曰典禮司又改曰典禮紀察司陞正  
六品尋止稱紀察司以李彬言等為之 置繩頑司  
令丞各一員置稽疑司正一員正六品左右丞各一  
員從六品屬官曰司筮無品 置 東宮通事司令  
一員從八品丞一員正九品榮鉉鄭肅為之 置東

宮文學趙晉為之 置城門都尉一員以死事指揮  
劉廣子員為之 置君子衛居文官子姓舍人衛居  
武官子姓以指揮使李謙安子忠領之 置侍儀引  
進使正五品闕門使從五品以故誠意伯劉基子仲  
璟為之 置尚賓大使儒學提舉提舉司校理侍禮  
郎奉天門待詔俱革 改樞密院為大都督府又為  
中左右前後五軍都督府使知院從一品為左右都  
督陞正一品副使同知院正二品為都督同知從一  
品僉院從二品判官從三品今為僉事正二品 上

初下太平自稱太平興國翼大元帥下建康立天興  
建康翼大元帥府廖永安為大帥帥常遇春尋為行  
中書省馬步水軍都督大元帥尋設江南行樞密院  
湯和同僉院事徐達廖永安同知院事改院為大都  
督府朱文正為大都督品如知院李善長兼府司馬  
宋思顏兼叅軍後以李文忠湯和為左都督馮國用  
鄧愈為右都督永樂以後五府職名如故而權悉歸  
兵部有副使在僉事之上尋革復置大都督叅議一  
員正三品戶部尚書樊思民為之又置掌判官品同

叅議吏部尚書陳銘為之 五斷事司下各設稽仁  
稽義稽禮稽智稽信今俱革而其職為經歷都事

御史臺左右御史大夫從一品中丞正二品侍御史  
正三品殿中侍御史正五品 太祖為吳王始設臺  
臣以湯和鄧愈為左右大夫劉基章溢為中丞文原  
吉為治書安然為中丞基寔幹臺事復省治書殿中  
不置而汪廣洋自左大夫入中書陳寧代之安然為  
右大夫中丞徐節告變而臺以中丞為長官安然任  
之後改為都察院都御史僅七品御史九品尋復陞

正三品儀以左右都御史代大夫為正二品副都代  
中丞為正三品僉都代待御為正四品與六部領頌  
翰林院初設學士正三品講讀學士正四品直學士  
正五品侍直從五品應奉正七品尋設學士承旨正  
三品學士從三品承旨則詹同宋濂為之學士則陶  
安朱升為之直學士陳桎范常為之待制秦裕伯王  
禕為之應奉趙震殷哲為之後罷承旨直學士待制  
應奉不設而降學士正五品講讀學士為從五品  
建文初改講讀學士為文學博士方孝孺任之叅預

機務如內相復置檢閱一員從九品 設華蓋殿謹  
身殿文華殿武英殿文淵閣東閣大學士俱正五品  
洪武末華蓋以劉仲質碩質文華以全思誠鮑恂余  
銓張長年武英以吳伯宗文淵以朱善宋訥東閣以  
吳沉為之而無所領惟從容備顧問而已其後罷不  
設 建文中草大學士止設學士而以謹身為正心  
然亦竟無授官 永樂始以胡廣楊榮金幼孜為文  
淵閣大學士領閣務 洪熙進楊士奇華蓋楊榮兼  
謹身黃淮金幼孜兼武英獨以光祿署丞權謹為文

華殿大學士無兼官亦不預閣務謹去後文革至今  
不設大學士得非以 皇太子講讀之所故耶 嘉  
靖末以華蓋殿為中極殿謹身殿為建極殿首以徐  
階袁煇充建極殿大學士而中極自 隆慶初始補  
李春芳 洪武初設弘文館學士不言品秩以劉基  
危素唯稼胡鉉王大中羅復仁為之尋革至 章皇  
帝初復建弘文閣于思善門石以儲經史備顧問翰  
林學士楊溥掌閣印 帝手授之侍讀王璉五經博  
士陳繼史料給事中王榮參其事不久併閣務入文

淵閣溥亦辦文淵閣事 左右春坊大學士與庶學  
士同品建文中以任董倫 永樂立東宮李至剛為  
左解縉胡廣楊士奇因之解縉為右黃淮因之 洪  
熙中曾榮為左王英為右 景泰中商輅為左彭時  
呂原倪謙因之劉儼為右劉定之因之逾五十年而  
弘治癸亥會典成以左春坊學士兼侍讀學士遷中  
允楊廷和 上疑問之內閣其實對乃已廷和竟遷  
不設贊善大夫正五品宋濂嘗為之後止為贊善從  
六品司直以下亦不常設 置將作卿正三品單安

仁為之後并入其事于工部而名尚存後改為營繕  
正 置司農卿正三品楊思義為之後入戶部 置  
京畿都漕運使正四品專治京師軍儲單安仁薛祥  
為之 置宣徽院使正三品阮崇禮為之後為光祿  
司卿徐興祖為之最後為光祿寺從三品 置太史  
院正三品劉基為之改院為監使為令通判僉事各  
一員後為司天監定為欽天監正五品有正副等官  
置回回監正副以下同欽天監後革 置醫藥提舉  
司改太醫監正三品少監正四品孫守貞為之後改

為太醫院使正五品院判正六品 置滁陽牧監從  
三品後為太僕寺 置儀禮司正副後為鴻臚寺卿  
置信寶提舉司正一品後為尚寶司正五品 置營  
田使專董墾近畿田大都督府副使康茂才為之  
至嘉靖中設三都御史清化尋革 置帳前總制親  
軍都指揮使馮國用國勝為都指揮使朱文忠康茂  
才為左右副都指揮 置金吾侍衛軍都護 又置  
都鎮撫司孫養浩為鎮撫 又置都尉府正三品蓋  
即今錦衣旗手衛也 又置兵馬司都指揮使副都

指揮等官後改文職降至六品而猶冒故銜

初置江南行中書省以後平浙江湖廣江西河南山東等處俱設行省其品秩一如內省惟不設丞相袁國公歐普祥者因偽漢故官而已後改行省為布政使司布政使視平章為從二品左右叅政從三品叅議從四品行樞密院為都司都指揮使正二品同知從二品僉事正三品初下太平興國翼大帥帥李善長為都事潘廷堅為教授汪廣洋為令史下建康諸路廖永安徐達常遇春湯和俞通海鄧愈邵榮耿炳

文為大元帥後改翼為衛置指揮使司同知僉事等官事實品祿如故 置詹事院詹事則右都督馮勝領之同知則平章胡廷瑞廖永忠李伯昇領之副詹事則左右丞趙庸王溥領之後併為少詹事 置諸王府左右相各一員正二品左右傅各一員從二品以鄭九成王克復汪河文原吉朱復為相桂彥良熊鼎為傅而別設長史官為正五品 相屬官者尋以耿炳文吳良謝成等為武相傅位居文臣上其後掌相傳併入長史見任者皆降秩五品而武相傅事亦

入護衛 十八年 命進士觀政六科承

勅考功諸監者曰庶吉士取庶常吉士之義也以楊靖沈潛等為之 二十八年改六科給事中曰元士以見在人數正得八十一也復改曰士源以政源所自出也

建文君建文元年更定官制 六部尚書陞正一品增左右侍中正二品侍郎如故省戶部十四司為民部度支部金帛部倉庾部省刑部十四司為詳憲部比議部職門部都官部諸司俱去清吏二字 都察院

左右都御史去左右二字後改御史府都御史為御史大夫 通政司使改為卿 通政叅議為少卿丞增其屬左右補闕拾遺各二員 大理寺卿止稱大理卿左右寺正為都評事副為副都評事司務為都典簿 太常光祿太僕鴻臚尚寶俱止稱卿其少卿丞分左右祠祭署之稱天壇者曰南郊泗洲者曰泗濱宿州者曰新豐增鐘山祠祭署及司圃所 光祿少卿陞從四品 太僕增少卿丞各一員及典廐典牧二署驥驢十五群遂生三群分隸之 詹事府詹

事曰詹事卿少詹事曰少卿增賓客二員 設資德院資德一員資善二員其屬贊讀贊書著作郎各二員掌籍典簿各一員 國子監增業為二員省博士學子正學錄增助教為十七員翰林院增承旨一員文學博士一員省講讀學士置文翰文史二館文翰設侍書中書舍人職歸之文史館修撰以下如故 殿閣學士俱去大字謹身殿大學士為正心殿學士六科省左右給事中 五城兵馬指揮曰兵馬副兵馬 布政使陞為正二品止一員去左右字 提刑

按察司為肅政按察司 陞廣東鹽課司為都轉運鹽使司 革五府斷事及稽仁稽義等官 親王府增賓輔二員正三品左右長史上增長史一員正四品增伴讀伴講伴書各一員審理典膳奉祠良醫典寶各去正字 郡王賓友二員正四品教授一員紀室二員直史一員左右史各一員吏目一員典印典祠典禮三署各一員典饌典樂二署各二員引禮舍人二員儀仗司吏目一員凡賓輔三伴賓友教授進對侍生稱名不稱臣至 永樂初俱改正從 洪武



之舊 更定勳階尚書曰特進資政上卿侍中曰資政卿二品如之侍郎曰資政亞卿卿三品如之郎中曰資政中大夫員外郎曰資政大夫給事中曰嘉政中士 又遣戶部左侍郎夏原吉給事中徐思勉等二十四人充採訪使分巡天下問民疾苦旌廉斥貪得以便宣行事

南京百官守備叅贊機務為要重守備以公侯伯兼領南京中軍都督府事協同守備以侯伯都督得領五府事 孝陵奉祀禮或守備或協同守備大抵戚

晚勳舊也叅贊機務以南京兵部尚書治所在中府成祖初改北平為北京往來巡守 仁宗時為 皇

太子監國南京 宣宗為 皇太孫撫軍從行 成

祖出塞監國於北 永樂二十二年秋 皇太子即

位 命襄城伯李隆鎮守南京駙馬都尉沐昕同鎮守 洪熙元年又以内臣守備南京是年南京地三

月九震特遣 太子往南京以祭告 皇陵 孝陵

為名寔有監國之 命四月發北京六月還京師即

帝位 宣德五年改鎮守為守備 命 宋駙馬西

寧侯琥守備南京 景泰元年又以都督僉事趙倫  
 協同守備 琥後豐城侯賢寧遠伯禮平江侯豫魏國  
 公承宗成國公儀魏國公備成國公輔魏國公鵬舉  
 撫寧侯麒鎮遠侯家相繼守備不必魏國公也 宣  
 德十年 英宗即位 命少保南京戶部尚書黃福  
 叅贊機務自福始黃公後南京兵部左侍郎徐琦叅  
 贊機務歷十年而陞尚書理部事靖遠伯王驥兼南  
 京兵部尚書崔總督機務代琦  
 成化十一年南京吏部尚書崔恭十三年南京右都

御史王恕相繼叅贊機務不專用兵部尚書也十五  
 年南京兵部尚書薛遠代恕叅贊機務 嘉清初王  
 守仁以新建伯兼南江兵部尚書叅贊機務不得稱  
 總督如靖遠伯

南京叅贊機務守備文武大臣掌 皇城京城畿甸  
 留守之事以時行視 陵廟凡大小教場練將士新  
 江口肄水軍神機營習大器以時督察之官軍騎數  
 歲一報地圖文冊二歲一報諸江關浦口歲再遣人  
 行視之軍器歲製貢舟均其差遣而嚴緝之武學課

業旗役併驗程督而監視焉盜賊歲更官行緝也田  
請專官巡視凡便宜事會九鄉五府議請上又有操

江都御史一人巡江御史二人專職江防

南京宗人府經歷司經歷一人

吏部尚書一人侍郎一人郎中四人主事四人司務

一人

戶部尚書一人侍郎一人郎中十三人員外郎十人

主事十七人司務一人照磨一人

禮部尚書一人侍郎一人郎中四人主事二人司務

一人

兵部尚書一人侍郎一人郎中四人員外郎二人主

事五人司務一人

刑部尚書一人侍郎一人郎中十三人員外郎五人

主事十四人司務一人照磨一人司獄二人

工部尚書一人侍郎一人郎中四人員外郎二人主

事八人司務一人

都察院右都御史一人右副都御史一人右僉都御

史一人監察御史三十二人經歷一人都事一人司

務一人照磨一人司獄二人

通政司右通政一人右叅議一人經歷一人

大理寺卿一人右寺丞一人左右寺正各一人左右

評事各三人司務一人

太常寺卿一人少卿一人典簿一人博士一人協律

郎二人贊禮郎七人司樂二人奉祀三人祀丞三人

光祿寺卿一人少卿一人典簿一人署正四人署丞

四人

太僕寺卿一人少卿二人寺丞二人主簿一人寺在

滁州

詹事府主簿一人

園子監祭酒一人司業一人監丞一人典簿一人博

士三人助教六人學正五人學錄二人典籍一人饌

一人

應天府尹一人府丞一人治中

一人

鴻臚寺卿一人主簿一人署正二人鳴贊二人序班

九人

人推官

翰林院學士或侍講讀一人孔目一人

尚寶司卿一人

六科給事中六人管冊戶科給事中一人

太醫院院判一人吏目一人

欽天監監正一人主簿一人

行人司司副一人

五城兵馬司指揮五人副指揮八人吏目五人

設官事例

太祖吳元年選郡縣官三百三十四人賞綺布道里費

及其父母妻子有差著為令曰以養汝廉奉公無漁  
民也 洪武元年 詔中書省自今除府州縣官

賜銀十兩布六疋徵天下賢才為守令厚 賜而遣

之 三年 上幸後苑見巢鵲卵翼嘆曰誰無母子

令群臣親老得歸養是年 賜朝臣袍帶 賜廉吏

嵩縣劉典史布帛擇文儒性行清潔者充學官 賜

文武官朝服公服又 賜冬衣 四年中書省上府

州縣一千二百三十九凡官五千四百八十八人令

官吏犯贓者勿赦 六年命京官三十月一考考陞

一等外官三歲一考考陞一階 勅按察司舉察有司官 七年汰北方府州縣官三百八人增公侯伯都丞相御史大夫等官祿有差八年增尚書行省叅政公田祿各百石 十年制 賜百官公田租充祿俸初給典史俸有差是年併省州縣 十一年命考績殿最分三等稱職無過為上 賜坐宴有過稱職中宴而不坐有過不職下不預宴叙立于門宴者出然後退廣西布政使減哲母憂去 賜米鈔令喪去官并有 賜 十二年著令給丁憂官俸有差 十

三年置判祿司頒臣戒錄 上既誅胡丞相 命儒士纂歷代侯王宗戚文武宦官悖逆不道者凡二百十二人為是錄云 詔復京官家 勅守令恤民 十四年 詔有司遣贊閑釋放官赴京叙用定考覈殿最法禁有司差遣學官 十五年 賜六部尚書馬 十六年廣東布政司請慶賀班秩 上曰禮行於藩司班以秩叙 十七年吏部尚書俞焯上更定吏員咨格申薦冒濫考課失定之禁焯上考績法著為令令方面勿侵郡縣之職 十九年選應天諸府富

民子弟補吏凡千四百人 二十年選南方學官有  
學行者教北方 二十四年 賜有司方面官馬  
諭兵部試尚書茹瑄曰布按二司官方面重臣府州  
縣官民之師帥跨驢出入非所以示民或假馬部民  
因被浸潤不能舉職甚乖治體其官為市馬司二十  
匹府半之州縣又半之馬一率十戶食之歲一更定  
儒學訓導位雜職上 二十五年頒醒貪簡要錄  
上以中外文武百司職名沿革品秩崇卑勳階陞轉  
俸祿損益歷年屢 宗成憲於後世 命侍臣

重定其制頒天下

二十六年頒諸司職掌定學官

考課法初

命儒學訓導冠帶上名吏部附選貼黃

頒世臣總錄

二十八年頒

祖訓條章 勅禮部

有言改

祖法者以奸臣論無赦是年罷百官朝參

賜食

二十九年始定外官三年以朝覲

三十年

頒為政要錄

三十一年定吏員出身資格 建文

中更官制

文皇盡復故惟存大理寺 仁宗即位

之歲

命吏兵二部尚書蹇義李慶書都布按三司

官姓名履歷於武英殿西序曰

皇考嘗書中外官姓

民子弟補吏凡千四百人 二十年選南方學官有  
 學行者教北方 二十四年 賜有司方面官馬  
 諭兵部試尚書茹瑄曰布按二司官方面重臣府州  
 縣官民之師帥跨驢出入非所以示民或假馬部民  
 因被浸潤不能舉職甚乖治體其官為市馬司二十  
 匹府半之州縣又半之馬一率十戶食之歲一更定  
 儒學訓導位雜職上 二十五年頒醒貪簡要錄  
 上以中外文武百司職名沿革品秩崇卑勳階陞轉  
 俸祿損益歷年屢更無以示成憲於後世 命侍臣

白州州川汁

重定其制頒天下 二十六年頒諸司職掌定學官  
 考課法初 命儒學訓導冠帶上名吏部附選貼黃  
 頒世臣總錄 二十八年頒 祖訓條章 勅禮部  
 有言改 祖法者以奸臣論無赦是年罷百官朝恭  
 賜食 二十九年始定外官三年以朝覲 三十年  
 頒為政要錄 三十一年定吏員出身資格 建文  
 中更官制 文皇盡復故惟存大理寺 仁宗即位  
 之歲 命吏兵二部尚書蹇義李慶書都布按三司  
 官姓名履歷於武英殿西序曰 皇考嘗書中外官姓



名於武英殿南廊便覽觀也 宣德五年五月命追奪賊官 誥勅 七年大學士張瑛乞增南北兩京七品以下官俸 正統元年副都御史吳訥言洪武間京官俸全支後因營造減省遂為例近來小官多不能贍如廣西道御史劉準由進士授官月支俸米一石五斗不能養其甘妻子女貧同道御史王裕等刑部主事廖謨等俸米三十餘石去年病死竟負無還乞下廷議增俸 國初皂隸力役當是時百官俸全支已及折鈔鈔法不行小臣不能給遂有柴薪之

名徵其銀月壹兩 宣德中都御史顧佐以柴薪事被訐 上問楊士奇對曰京官月俸一石薪炭馬芻咸資皂隸遣半取直籍其用彼得歸耕人情為便京官皆然臣亦然自是遂為例 巡撫官者永樂間設於要害處洪熙宣德初年添設漸多用都御史侍郎通政卿丞景泰中悉用都御史 叅贊軍務者始於洪熙元年以武臣疎于文墨選方面官於各總兵處整理文書高確機密遂名叅贊叅謀軍務總督邊儲景泰中大同叅政丹陽沈固宣府叅政崑山劉璉山

東叅議會稽周頤廣西副使劉紹如劉清輩又以郎中給事中稱叅贊軍務也 景泰初御史張子初等言洪武永樂間方面郡守缺聽吏部推訪內外官賢能而又久于其任者請授御史有缺從吏部於進士監生中選用 宣德中始有會官舉保之例行之既久奔競成風所舉非人况御史若從大臣舉保得任大臣有過彼必鉅口卷舌而不言大臣有囑彼必俯首貼耳以聽命願停保舉之新例而復洪武永樂之舊制下禮部會議曰御史言是 制曰可御史陳綱

亦以為言三年冬吏部尚書王直何文淵言洪武永樂間銓選專隸吏部宣德正統以來始令大臣舉保景泰初御史陳綱言保官徇私 廷議奏允仍歸吏部今綱等又言吏部選授私舛請復行保舉臣等謹議上繼今方面府正員缺吏部具奏移文各該保官大臣書所保姓名材行歷官緣由奏下部銓 制曰朕期方面郡守得人共安養天民令大臣舉保吏部推選已乃彼此相蒙官不得人民其奈何今後惟布政使按察使缺令三品上官會保餘還吏部訪求未

幾吏科都給事中林聰復以為言著為令 四年御史左鼎言國初建官有常近年因事添設甚至一部有兩尚書而為侍郎者倍於原額為都御史者率以數十計在外添設撫民管屯等官如河南叅議二員今則添而為四僉事三員今則增而為七若夫巡撫鎮守之官則尤有可言者方岳各司十餘人不為少矣每歲又差御史巡視立法可謂詳矣不擇方面以責成不選御史以督察乃復設官以巡撫鎮守往往多出於方面御史則今之方面御史蓋亦他日之巡

撫鎮守也豈有為方面御史則合衆人之長而不足為巡撫鎮守則任一人之智而有餘耶乞將內外官凡非洪武之舊者叅酌裁罷庶民力可紓國用可省委任專而事功可立 七年春令吏員冠帶引入內府會官考試 成化中太監張敏死姪太常寺丞苗傾貲獻 上乞侍郎 上曰苗本由承差若侍郎六部執政不可可授南京三品左右急持官制請上竟得南京通政使是時四方白丁錢虜商販技藝幸職之流以及士夫子弟率寅緣近侍內臣進獻珍

玩輒得 賜太常少卿通政寺丞即署中書司務序  
班不復由吏部謂之傳奉官至於閣老之子若孫甫  
髫鬣已授中書冠帶牙牌支俸給隸但不署事朝參  
大抵多出梁方之門 弘治間馬文升言京官額一  
千二百餘人今傳奉官八百餘人內實支薪俸者九  
十一人冗官莫甚於今日請因災汰罷 正德間亦  
有附權倖得文階者 嘉靖初盡革諸傳奉乞陞官  
八年又裁冗官二千員後南京六部正貳卿往往停  
推土木之役起匠人而官至九鄉者諸富人貴游子  
猾吏竄名營建籍中得官者不啻千人

世官事例

太祖洪武二年令功臣子弟入學初製鐵券 三年存  
恤先鋒府十元帥府戰沒將校家定五等勲爵定武  
臣世襲之制 四年禮官崔亮定外官慶賀禮以武  
臣為班首 五年申定武選法作鐵榜申戒公侯  
六年定教練軍士律是歲計武官一萬二千九百八  
十人 九年擇功臣子取獻等一百四人為散騎舍  
人 十一年選武臣子弟入國子學讀書 十四年

命公侯武臣皆遣子弟入國子學受業。二十一年  
 頒武臣大誥又頒八條。勅諭武臣又頒武臣訓  
 戒錄又賜武臣保身勅。二十二年禁武臣預  
 民事。二十三年賜公侯伯屯戍百戶。二十六  
 年頒稽劄錄於諸功臣。二十九年大賚致仕武  
 臣各陞一級銓於甘肅大同北平大寧遼東諸衛所  
 凡千五百人。永樂元年冬定軍功襲替例自洪武  
 永樂宣德年軍職絕不論堂兄弟姪並襲。成化十  
 七年以都御史何喬新言此軍職絕非立功人子孫

不得襲。弘治十八年又稍許立功人親姪孫已襲  
 者得沿襲。正德十四年兵部尚書王瓊又請堂兄  
 弟姪並得襲。十六年兵部尚書彭澤言瓊議非是  
 復不許襲會兵部火群失職者流言得復襲。嘉靖  
 十年兵部尚書王憲酌議立功人絕同時親弟姪得  
 襲其姪孫以下及堂兄弟姪除親祖例前相沿人自  
 立有軍功者扣襲其無功姪孫以下至堂兄弟姪等  
 及沿襲後別無立功者不許襲旁子孫革職者俱收  
 總旗。天順成化及弘治初年錦衣指揮門達袁斌

朱驥等提督緝捕每至十年或十一二年方一類奏  
下兵部定議陞者不過五七人多止十人賞或以布  
絹鈔錠無功者撻而斥之已而有拏獲妖言陞襲一  
輩之例於是人競貪功肆行羅織 弘治十八年特  
詔嚴禁 正德元年錦衣指揮趙鑑葉廣東廠太監  
王岳鄭旺一時更代不及數月官校四奏陞賞 二  
年又復類奏已而奸倖相繼用事廠衛無賴之徒鱗  
集蟻附辦事之員日增獲功之奏漸數始則三年一  
奏或二年一奏後至一年一奏或一年兩奏遊有年

終類奏之名徃徃以妖言為首張皇賊狀無非撻撻  
之詞連署姓名不辨獲功之數含糊奏請朦朧擬陞  
奏一人則陞一人奏百人則陞百人市井庸流立陞  
朝籍權門廝役驟至顯榮且其假種妖書陰為陷穿  
買同番手誣執平民加以酷法慘刑煅煉成獄比經  
廠衛奏送法司莫敢平反 弘治元年 孝宗有拏  
獲妖言不陞止照 成化十四年例給賞之 旨今  
一切撓寢矣大抵 正德年間軍功冒濫其弊有三  
奏帶越額也紀驗失實也選法變亂也以故寧夏陝

西甘涼大同慶州雲貴江西湖廣山東河南虜賊之  
役陞擢極濫 嘉靖改元 詔革罷凡三千一百九  
十九人而在外者又倍之殆不止於厥衛也乃若流  
官不許世襲署職止加實授今則流官以流得襲署  
職以署適陞甚至納粟虛御遊以軍功累授已而諸  
所革者往往得復故官

官數

遼官數無考

金大定二十八年任官一萬九千七百員四季赴選

者千三百歲數監差者三千 明昌四年奏周歲官死  
及事故者六百七十新入仕者五百一十見在官萬  
一千四百九十九內女直四千七百五員漢人六千  
七百九十四員至 泰和七年在仕官四萬七千餘  
四季部擬授者千七百監官到部者七千二百九十  
餘則三倍世宗之時矣

元至元三年總計官府大小共二千七百三十三處  
皇明內外官共二萬四千六百八十三人京師一千四  
百十六人南京五百五十八人在外二萬二千七百

九人按洪武四年正月中書省臣上天下府州縣數  
府州縣凡一千二百三十九官五千四百八十八員  
以今觀之數不啻浮四倍矣

請告事例

凡京官患病 嘉靖六年令京官告病者吏部查驗的  
實照例放回若託故詐病扶回同勘保及病痊不赴  
任者一體罷職 隆慶五年奏准京官患病先呈本  
衙門掌印官查勘的確取具同鄉同僚官結狀代奏  
方准題覆 萬曆元年奏准凡京官中途養病及先

養病在籍未痊者須所在與原籍撫按官覈實具奏  
方與准理 十年題准京官告病三年限滿又稱患  
病者不拘在籍在途行所在撫按官查勘如有詐託  
據實叅處 十一年題准京官患病危篤不能久待  
者掌印官勘實即與代奏不拘注門籍三月 十三  
年題准京官再奏養病者准與題覆再告違限者雖  
起文在二年之內亦不准理徑行叅究若請告至三  
止許告休不許轉假如有材難終棄者致仕之後聽  
撫按科道從公薦舉起用 凡各邊督撫兵備等官



患病 隆慶三年奏准不許自奏聽巡按御史勘明轉奏如有托疾避難者該科及巡按御史叅奏處治凡御史患病 嘉靖七年令各處御史有告病者該部查勘是實方准放回若係推避就令致仕 八年令御史養病三年以上者革職冠帶閒住 二十一年題准巡按并別差御史如果患病不支許地方官員具實奏聞不許徑自具奏 二也七年令巡按告病巡撫官代奏者不准着回道自行具奏聽勘 三十三年題准御史在差患病有撫按官代奏者仍准

回籍調理 萬曆六年令巡按御史養病撫按安代題者行都察院勘實咨部方准題覆 此兵馬患病隆慶五年奏准五城兵馬患病照序班例不分正副指揮俱准養病痊日起文赴部 進士有疾 萬曆二年題准在京調理三月之後如果真病令各該辦事衙門掌印官親自驗寔方與具題 京官陞外告病 隆慶二年議准患病在先推陞在後比外官已列任者不同准令回籍養病痊日給文赴部 五年題准今後京官陞外告病乞休者俱令致仕不許病

痊起用 丁憂患病 嘉靖八年議准各官養病限  
內丁憂及起文在三年之內者與違限情似不同進  
士未經受職亦難與各官槩論許吏部催取聽選  
十二年令以後進士養病但違限三年以上者一體  
查革 隆慶四年題准但到部在三年之外者不論  
起文日期俱照違限革職其三年赴部而又稱中途  
患病者照有疾例致仕 六年題准養病官員起文  
在三年之內到部在三年之外者該司查驗果有本  
處官司印信保結照例收選 外官告病 嘉靖四

年令有假託患病致仕者不准方面官六十以上方  
准致仕外官有不奏棄官及奏不候命而去者該部  
科道及撫按官糾舉 二十二年奏准外官在任患  
病務由撫按官題先查明方許回籍如不候擅回者  
革職為民同僚官一併治罪 萬曆三年令外官有  
疾照例致仕不許撫按官更為議調以啟規避 九  
年題准倉官巡檢考滿及在籍服闋呈告起送者撫  
按官查已老疾不堪即令致仕 凡外官陞京職未  
任患病 隆慶五年議准彼據撫按勘實放回調理

官員致仕事例

孝宗弘治十一年題准兩京五品以下官乞致仕者本部查其曾經三六年考滿稱職擬陞相應職御具奏令其致仕不稱者仍照原職致仕 十五年奏准在外衙門七品以上官有三年或六年曾經到部考稱及任內曾有旌異例該陞權自願致仕者本部擬陞職御或加散官服色令其致仕如布政使無官可陞者另行奏請定奪 嘉靖十年題准內外官願告致仕者京官部院考稱職外官撫按有旌異及無所規

避者方許陞職如考語含糊僅保無過雖歷三年六年考滿止許原官致仕 四十三年議准 王親布政使乞休查係三年之外致仕者准以正二品初授散官六年之外致仕者准以正二品陞授散官九年之外致仕者准以正二品加授散官 四十四年議准各衙門乞休官員如果勞績久著輿論僉予者照進階陞職例如尋常守官謹愿無過者照原職例或晚節不終有所規避者止令冠帶閒住不准致仕 嘉靖十年奏准凡大小官員陞遷未到任告致仕者

只許以原職致仕 萬曆十一年題准在外官員中  
途患病愿告致仕者許令差人自奏先行准覆後行  
撫按官查覈有詐託者徑自叅究 十二年題准京  
官陞外職告病者以原任京官致仕外官陞京職告  
病者止以原任外官致仕陞授長史者以新陞致仕  
十三年題准陞除未任及公差考滿官員在于原籍  
官司告乞致仕者查驗文憑執照明白即與轉申上  
司達之撫按應題請者照例題請應報缺者類本報  
缺毋以官非統屬故由留難 凡入京考察被劾聽

降聽調官奏要以原職致仕者聽外官朝覲來京考  
察不及調用改教官員告乞以原職致仕者取結類  
題



